



VERDADERA EFIGIE

Del Segundo Ambrosio en Granada, y Segundo Ilidoro de Sevilla, Espejo de Iueces Seculares, y Exemplar de Ecclesiasticos Pastores, el Illmo. y V.^o S.D. Pedro de Castro Vaca, y Quinones Presidente integerimo delas dos Chancillerias de España, Dignissimo Arpo. de Granada, y Sevilla, y Fundador Magnifico dela Ynsigne Collegial del Sacro Monte Illipulitano.

LVNGO EN



Granata Ex Illipontina Regia Apud
 San. Chco. Anno Dni 1647

Balth. Castren. a. Bolibar et Simplicissim.
 Anno 1647 fecit



IN NOMINE SANCTISSIMÆ,

ET INDIVIDUÆ TRINITATIS PATRIS,
ET FILII, ET SPIRITUS
SANCTI. AMEN.



OVERINT universi, & singuli hoc
præsens publicum transumpti instru-
mentum visuri, lecturi pariter, &
audituri, quod nos Joannes Domi-
nicus Spinola, Prothonotarius Aposto-
licus, Sanctissimi Domini nostri
Papæ, necnon Curiae causarum Camera Apostolicæ ge-
neralis Auditor, Romanæque Curiae Iudex ordinarius,
sententiarum quoque, & censurarum, tam in eadem
Romana Curia quam extra eam latorum, ac litterarum
Apostolicarum quarumcunque universalis, & merus exe-
quutor ab eodem Sanctissimo D. N. Papa specialiter
deputatus, habuimus, vidimus, & diligenter inspeximus
litteras Apostolicas Sanctissimi Domini nostri Domini
Urbani divina providentia Papæ Octavi sub plumbo, u-
moris est legitime expeditas, non vitiatas, nec cancel-
latas, sed omni prorsus vitio, & suspitione carere, qua-
rum quidem litterarum Apostolicarum tenor talis est

UR

URBANUS EPISCOPUS, SERVUS SERVORUM

Dei , ad perpetuam rei memoriam.

EQuum reputamus , & rationi consonum , ut ea quæ de Romani Pontificis gratia processerunt , licet eius superveniente obitu litteræ Apostolicæ desuper confectæ non fuerint , suum sortiantur effectum. Dudum siquidem postquam venerabilis Frater noster Petrus Archiepiscopus Hispalensis, tunc Ecclesiæ Granatensi præsidens pio devotionis , ac propagandæ religionis zelo ductus in Sacro Illipulitano , seu Vallis-paradisi nuncupato Monte propé , & extra-muros Civitatis Granatensis in cuius visceribus , seu quibusdam illius cavernis, vel cryptis divina permissione , atque indulgentia ossa, & cineres Sanctorum Martyrum Cecilij , Hiscij , Thesiphonis , & Mesithonis discipulorum Sancti Jacobi Cæbedei Apostoli , necnon Patritij , Septentrij , Turilij , Panuntij , Maronij , Centulij , Maximini , & Luparij eorundem Sanctorum Cecilij , Hiscij , & Thesiphonis discipulorum una cum quibusdam , plumbeis laminis , aut libris prædictos Sanctos Martyres in illo Sacro Monte martyrio coronatos fuisse attestantibus , eorumque cineres , & reliquias ostendentibus , & comprobantibus revelata , & comperta fuerant ad Dei omnipotentis gloriam , & in Beatæ Mariæ Virginis, Sanctorumque Martyrum prædictorum honorem , & laudem , necnon de-

votionis Christi fidelium erga eosdem augmentum unam insignem Ecclesiam cum domo aliisque edificiis satis egregia structura, atque eleganti artificio ingenti sumptu suo fundari curaverat, ipsamque Ecclesiam, habitans super cum viris religione, atque eruditione præstantibus matura deliberatione ordinaria sua auctoritate, ac alias quantum in se fuerat in Collegiatam Ecclesiam sub invocatione Assumptionis eiusdem Beatæ Mariæ Virginis pro uno Abbate, & viginti Canonicis secularibus, qui capitulariter, ac in claustro ipsius Collegiatæ Ecclesiæ vivere, & nonnullas per dictum Petrum Archiepiscopum tunc editas, & alias postea etiam edendas, eisque tradendas constitutiones servare, & custodire, & apud dictam Collegiatam Ecclesiam personaliter reside-
re tenerentur sub certis tunc expressis modo, & forma erexerat, & instituerat, illique sic erectæ, & institutæ pro eius dote ac Abbatis, & Canonicorum prædictorum sustentatione, onerumque illis pro tempore incumben-
tium supportatione certos redditus annuos ad summam quatuormillium ducatorum monetæ Hispaniarum tunc ascendentes, ac in quibusdam proprietatibus, & bonis immobilibus, cortiliis, domibus, & censibus consistentes, ex quibus Abbas quinquaginta, & quilibet ex Canonicis prædictis quadraginta ducatos monetæ præfatæ ultra victus, alimenta, medicamenta, & alia necessaria perciperent, animo, & intentione redditus annuos huiusmo-

di usque ad summam sexmillium ducatorum , & etiam ultra augendi , ita quod interim tot Canonici dumtaxat adesse deberent quot ex redditibus quatuormillium ducatorum huiusmodi deductis sumptibus annuis circa fabricæ, & sacristiæ seu ornamentorum pro servitio ejusdem Collegiatæ Ecclesiæ necessariorum manutentionem necessariis substantari possent donaverat , & assignaverat, ac pleraque alia pro manutentione divini cultus in ipsa Collegiata Ecclesia , necnon Abbatis, & Canonico-
rum , aliorumque ministrorum illius servitio adscripto-
rum , & adscribendorum disposuerat, & ordinaverat fel.
rec. Paulus Papa V. prædecessor noster, pium, & laudabile eiusdem Petri Archiepiscopi in huiusmodi opere aggrediendo, & perficiendo studium propensę voluntatis affectu prosequi volens, supplicationibus sibi desuper pro illius parte porrectis inclinatus novam Ecclesiam prædictam in Collegiatam Ecclesiam, sub invocatione Assumptionis B. Mariæ Virginis præfatæ, cum omnibus Collegialibus insigniis , ac in ea unam Abbatiam sæcularem , quæ in dicta Collegiata Ecclesia dignitas principalis , & unica existeret pro uno Abbate seculari, necnon viginti Canonicatus , & totidem Præbendas pro viginti Canonicis similiter secularibus , qui capitulum inter se constituerent, & apud ipsam Collegiatam Ecclesiam personaliter residerent, ac orationem mentalem, necnon maiorem , & privatas Missas , horasque Canonicas præ-

prædictas facere , decantare , recitare , celebrare , ac alias eidem Collegiatæ Ecclesiæ modo, & forma ad id præscriptis deservire , ac certas regulas eis prædictum Petrum Archiepiscopum propositas , & proponendas observare tenerentur Apostolica auctoritate sub certis modo, & forma tunc expressis erexerat, & instituerat, eidemque Collegiatæ Ecclesiæ Abbati, & Canonicis, cæterisque dictæ Collegiatæ Ecclesiæ ministris , & personis, quod omnibus, & singulis privilegiis, facultatibus, immunitatibus, exemptionibus, præeminentiis, antelationibus, concessionibus, indultis, favoribus, & gratiis universis, tam spiritualibus, quam temporalibus alijs similibus Collegiatis Ecclesiis insignibus in Regnis Hispaniarum consistentibus eorumque Abbatibus , Canonicis, aliisque ministris, & personis , ac Christi fidelibus ipsas Ecclesias pro tempore visitantibus etiam per viam communicationis concessis ac quibus illæ, & illi de jure usu, privilegio, & consuetudine, aut alias quomodolibet utebantur, fruebantur, potiebantur, & gaudebant , ac uti, frui, potiri, & gaudere poterant, & potuissent quomodolibet in futurum similiter, & pari formiter, ac sine ulla prorsus differentia, uti, frui, potiri, & gaudere libere, & licité valerent in omnibus, & per omnia perinde, ac si illa eis specialiter, & nominatim concessa fuissent, etiam quoad capparum nigrarum, & superpelliceorum usum, & delationem, citra tamen facultatem

deferendi almutias perpetuo concesserat , & indulserat. Et insuper eidem Petro Archiepiscopo quandiu viveret, etiam si illum ad aliam , seu alias Cathedrales etiam Metropolitanas Ecclesias quascunque dicta auctoritate transferri , vel transire contingeret , aut ipse alias dictæ Ecclesiæ Granatensi præset desineret pro Collegiæ Ecclesiæ huiusmodi, illiusque mensæ Capitularis , ac rerum, & bonorum temporalium prospero, & foelici statu , regimine, gubernio , & administratione, onerumque illi incumbentium supportatione , necnon super Abbatis, & Canonorum, ac Ministrorum præfactorum receptione , admissione , & residentia , necnon distributionum etiam quotidianarum, & manualium, illorumque, & aliorum emolumentorum perceptione, divisione, repartitione, & amissione, multarumque , & aliarum pœnarum perabsentes , & divinis officiis non interessentes, seu onera eis incumbentia subire negligentes incursu singulorum præsentis , & absentis, ceremoniis , & ritibus in Ecclesia , Choro , Capitulo , & processionibus servandis, officialibus , & ministris deputandis, & amovendis servitiis , & ministeriis per eos obeundis, ac quibuscunque aliis rebus in præmissis , & circa ea quomodolibet necessariis , & opportunis , quæcumque statuta , ordinationes, & decreta, licita tamen, & honesta , ac Sacris Canonibus , & Consilij Tridentini decretis , & constitutionibus Apostolicis non contraria á Romano Pontifice ta-

men

men pro tempore existente, ac Sede prædicta examinanda, & approbanda edendi, ac edita pro temporum, ac rerum varietate, & conditione quoties expediens, & opportunum esse videretur immutandi, limitandi, corrigendi, declarandi, & interpretandi, atque in meliorem formam redigendi, seu alias ut præfertur examinanda, & approbanda de novo etiam ex integro condendi, & per eos ad quos pro tempore spectaret sub pœnis in contravenientes statuendis observari faciendi plenam, ac liberam facultatem dicta Apostolica auctoritate impartitus fuerat, prout in litteris eiusdem Pauli prædecessoris desuper confectis plenius continetur, postmodum rec. mem. Greg. Pap. XV. etiam prædecessori nostro pro parte dicti Petri Archiepiscopi exposito, quod idem Petrus Archiepiscopus, ut pro foeliciori dictæ Collegiæ Ecclesiæ, quam ipse summa veneratione, colere, & pia devotione venerari asserebat progressui, ac divini cultus in ea incremento, ac Abbatis, & Capituli ejusdem Collegiæ Ecclesiæ, aliorumque illius ministrorum, & Christi fidelium ad eam devotionis causa, confluentium spirituali consolationi eo magis consuleretur, simili deliberatione cum viris pietate, & eruditione insignibus præhabita in vim facultatis sibi desuper per eundem Paulum Prædecessorem, ut præfertur attributæ, & proclariori intelligentia, & declaratione nonnullorum per eum antea præsertim circa distributionem redditus an-

nui sexmillium ducatorum eidem Collegiatæ Ecclesiæ pro illius, ac mensæ Capitularis eiusdem, necnon Abbatis, & singulorum Canonorum, aliorumque ministrorum, & personarum prædictorum illius servitio necessariorum dote, & fabricæ ipsius Collegiatæ Ecclesiæ manutentione assignati dispositorum, infrascripta statuta, ordinationes constitutiones, & capitula triginta-duos titulos, quorum singuli certum, & distinctum articulorum infrascripta substantialiter complectentium numerum comprehendunt continentia, reservata tamen facultate sibi in dictis litteris concessa illa immutandi, limitandi, corrigendi, declarandi, & interpretandi, illisque addendi, atque etiam in meliorem formam redigendi, seu alia de novo etiam ex integro condendi prævia illorum approbatione á Sede Apostolica prædicta per Abbatem, & Capitulum prædictos, aliosque, quorum tunc intererat, & pro tempore interesset seu perpetuò, & inviolabiliter observanda ediderat.



TITULUS I. §. I.

De fundatione Ecclesiæ.

VIDELICET, quod ut absolutioni, & manutentioni fabricæ dictæ Collegiatæ Ecclesiæ illiusque ædificiorum, quæ ut potè in campo aperto, & vertice montis constructa ac aliis ædificiis carentia, tempestatum injuriis, & inclementiæ exposita, & nondum absoluta esse dignoscitur salubri ratione consultum iri possit, deinceps quotannis perpetuis futuris temporibus ex annuo redditu sexmillium ducatorum per eum in limine illius foundationis eidem Ecclesiæ Collegiatæ pro dote destinato, & subinde integrè assignato quarta illius pars, nempe mille & quingentorum ducatorum summa per Capitulum dictæ Collegiatæ Ecclesiæ seorsum, & separatim á residuo reddituum mensæ illius Capitularis ad Abbatem, & Capitulum ipsius Collegiatæ Ecclesiæ spectantium administranda in manutentionem, & necessarios dictæ fabricæ dumtaxat, & non in alios usus juxta declarationem inferius titulo decimoquarto de calculatoribus, seu computatoribus constitutione secunda annotatam converti, & erogari debeat, utque etiam debonis quæ pro Abbatis singulorumque Canoniorum præfactorum sustentatione, & alimentis, ac ubi infirmitate detenti fuerint medelis, aliisque requisitis, necnon etiam ad sustentationem, & salaria ministrorum

pro servitio prefatorum Capituli, & Canonorum necessariorum, nempe Dispensatoris, Cocorum, Cellarij, vulgo botiller, famulorum illis etiam inservientium, & reliquorum pro servitio domus, ac sustentatione, & usu personarum in communi viventium necessaria fuerint, opportuna ratione, debitaque moderatione, & ea quæ fieri poterit parsimonia ad hoc ut cononicorum numerus inde augeri, & ad precipuos ipsius Collegiatæ Ecclesiæ foundationis, & institutionis fines perveniri quæat, provideri quoque possit, comperto ex calculo debita attentione, & diligentia factò, quod summa quatuormilium, & quingentorum ducatorum remanens ex Capituli redditibus, redditus sexmillium ducatorum hujusmodi pro sustentatione Abbatis, & Canonorum detracta mille, & quingentorum ducatorum hujusmodi summa in manutentionem dictæ fabricæ eroganda ad congruam sustentationem Abbatis, & quatuordecim tantum Canonorum sufficiat, voluit quod dictus Canonorum numerus in ipsa Collegiata Ecclesia præter Abbatem manuteneretur, ipseque inde adhibita in hoc ea stricta quæ poterit moderatione, & parsimonia sustentaretur, occurrentes defectus, si non adeò graves fuerint, qui iuxta præsentium constitutionum dispositionem tolerari, & ipsi exinde sustentari non possint, propter Deum ac Sanctos Martyres prædictos patienter sustinendo, atque perferendo, casu tamen quo inde is Canonorum numerus manuteneri non

pos-

possit eidem Petro Archiepiscopo, & fundatori tantum, non autem aliis illum usque ad numerum convenientem minuere liceat. Cumque non conveniat eam redditus hujusmodi portionem, quæ in victum, & amictum Abbatis, & Canonorum ejusdem Collegiatæ Ecclesiæ destinata est in usum distributionum quotidianarum, atque manualium erogari, & repartiri, attamen quia plurimum servitio ipsius Collegiatæ Ecclesiæ convenire videtur, ut aliqua hujusmodi redditus portio in hunc distributionum quotidianarum usum adscribatur ex aliis redditibus ipsi Collegiatæ Ecclesiæ per dictum Petrum Archiepiscopum eatenus assignatis nonnullæ distributiones, ut infra in titulo distributionum repartiente, quæ tertio loco ex redditibus post extractionem partis fabricæ, & Capituli, ut infra dicetur detrahi debeant.

§. II.

Quodque habita consideratione ad tot onera eidem fabricæ incumbentia, & quod illa ex portione mille & quingentorum ducatorum illi ex redditu præfato assignata, ex qua etiam alimenta, seu sustentationes, & salarium Sacristæ, Organistæ, Sceptrifero, quem Pertigerum vulgo vocant, & Præsentori, seu Subcantori, cui regimen Chori in Missarum, divinarumque officiorum celebratione incumbit, necnon sustentationes, distributiones, & manualia, cæteraque alia pro

sex Capellanis ad eorundem divinarum officiorum celebrationem adscriptis, ac decem, & octo adolescentibus Collegialibus Accolitis pro servitio eiusdem Chori, ac Altaris, & celebrationis Missarum in ipsa Collegiata Ecclesia etiam necessariis, ut etiam exinde vivere, & apud eandem Collegiatam Ecclesiam extra mœnia, & in loco inhabitato ut præfertur sitam, ad quam ex Civitate ipsi adolescentes non sine incommoditate, & ministeriorum suorum in ipsius Collegiatæ Ecclesiæ servitij defectu evocari possunt, residere valeant, debita detrahenda etiam veniunt, vix commodè supportari poterant. Dictus Petrus Archiepiscopus etiam ipsi fabricæ aliunde juxta piam illius intentionem de competentibus redditibus, quo eidem Collegiatæ Ecclesiæ decentius inserviri, divinaque officia in ea exactè celebrari, aliavé onera Capitulo, & Canonicis incumbencia ad Dei servitium, & gloriam, eorundemque Sanctorum Martyrum honorem, ut par est, supportari valerent, providere volens, eidem fabricæ aliam particularem donationem quarundam pecuniarum, & grani ad hoc ut exinde aliæ proprietates, aut alia bona stabilia annui redditus aliorum mille & quingentorum ducatorum parium pro eadem fabrica acquirantur fecerat, & decreverat quod posteriora bona præfata essent pro ipsa fabrica acquisita, seu acquirenda pro onerum illi pro tempore incumbentium supportatione ultra redditum mille, & quingentorum ducatorum illi ex primo dicto

annuo reddito assignanda liberè remaneant. Ita quod fabrica ipsa in totum annum, & perpetuum redditum triummillium ducatorum habeat ex præcipuis, certioribusque, & securioribus ipsius Ecclesiæ Collegiatæ redditibus ad eam tunc, & pro tempore pertinentibus tanquam pro conservatione, manutentione, & ornatu ipsius Collegiatæ Ecclesiæ magis privilegiata, & necessaria primitus etiam retineat, & percipiat, ipsiusque fabricæ redditus modo in titulo quartodecimo calculatorum, & computatorum inferius designato administrari, & distribui debeant.

§. III.

Quodque etiam, ut Cononici, qui Collegialitèr, & in communi vivere debent, quorumque principale institutum in hoc esse debet, ut vitam spiritualem, & contemplativam, sive reformatam agant in piis exercitiis ad animarum Christi fidelium salutem, tam circa missiones, quam Sacramentorum Sanctorum administrationem tendentibus, ut etiam infra in titulo obligationum atque exercitiorum Abbatis, & Canoniorum continetur, se se exercere valeant, & ad id viri exemplares, prout desiderantur; ob periculum admissionis Canoniorum quorum vita, & mores particulariter optime antea explorati, & comprobati, & qui in vita Collegiali, & communi probati antea non fuerint, eo maxime

D

quod

quod ad hoc etiam quædam particulares qualitates, aut conditiones, animique propensiones, sive inclinationes requirantur ad evitandas difficultates, quæ post eorum admissionem circa illorum exclusionem, si debitis hisce qualitatibus præditi comperti postea non forent, eaque etiam via tanquam efficacissima ad ipsius Collegiatæ Ecclesiæ conservationem quoad fines, & instituta á principio circa illius foundationem electa: quod scilicet qui ad Canonicatus, & Præbendas eiusdem Collegiatæ Ecclesiæ admittendi erant prius in hoc instituto, & vivendi modo probari debeant assumi possint, eaque ratione divini cultus incremento, ipsiusque Collegiatæ Ecclesiæ, & personarum illius servitio adscriptarum tranquillitati consultum iri possit; in ipsa Collegiata Ecclesia ad illius Canonicatus, & prebendas illi, qui antea in huiusmodi institutione, & vivendi modo probati, & experti quoque fuerint admittantur; quod præter Abbatem, & quatuordecim Canonicos, qui tunc ex annuo reddito quatuor-millium, & quingentorum ducatorum huiusmodi apud ipsam Collegiatam Ecclesiam sustentari possunt, in ea duo Clerici ex aliis redditibus ad hunc effectum, & ad alios hospites, qui pro tempore fuerint in dicto Sacro Monte iuxta modum inferius in titulo probationis constitutione sexta, ex alia particulari donatione per dictum Petrum Archiepiscopum eidem Collegiatæ Ecclesiæ facta acquirendis sustententur, manuteneantur in conti-

nua probatione , & prefatæ Collegiatæ Ecclesiæ servitio in ipso Monte insistant, ut ad Canonicatus, & præbendas ejusdem Collegiatæ Ecclesiæ subinde pro tempore vacaturos , modo inferius in officio approbationis declarando , eligi possint.

§. IV.

QUodque præterea in conformitatem dicti Concilij Tridentini decretorum super erectione Seminariorum puerorum Ecclesiasticorum decem , & octo adolecentes Ecclesiastici , & Accoliti in ipso Sacro Monte pro illius , & præfatæ Collegiatæ Ecclesiæ servitio manutenendi separatim, & in loco ab habitatione Canoniorum distincto, & separato, ne illis circa piorum exercitiorum , in quibus occupari debent impedimento sint, vivere debeant , & peracto eorum ministerio reliquum tempus in litterarum studiis facultatibusque utilibus , & necessariis insumant , ut probi Clerici evadant , & in aliis Ecclesiæ ministeriis , ut pote in hac vivendi norma ab ineunte ætate educati illiusque studiosi , ac ad eam propensi probati, & exercitati utiliores , ac etiam ad Capellanorum munia , necnon ad ipsius Collegiatæ Ecclesiæ Canonicatus , & Prebendas aliquando habiles reddantur , & ad illos etiam eligi , & assumi possint, utque quó major eorum numerus , ad hunc finem educatus fuerit , & ipsi plures etiam extiterint eo diligentius

tius in litterarum studiis sese exercere proculdubio studeant, & repartitis inter se eorum ministeriorum, & servitij ipsius Collegiatæ Ecclesiæ obligationibus illæ melius quoque adimpleantur, & ipsi etiam liberiores ad sua studia in divini cultus augmentum remaneant; præter prædictos decem, & octo Ecclesiasticos adolescentes Accolitos, ex redditibus fabricæ ipsius Collegiatæ Ecclesiæ destinatis manutenendos, & sustentandos, alij duodecim, qui una cum aliis prædictis numerum trigernarium constituent, & ex residuo reddituum pro maintenance duorum Clericorum in probatione huiusmodi existentium acquisite, seu acquirendorum ex donationibus pecuniarum, & grani eidem Collegiatæ Ecclesiæ ad hunc effectum factis usque ad huiusmodi numerum si fieri poterit, si minus usque ad numerum, qui exinde manuteneri possit, servato ordine inferius in titulo Collegialium expresso manuteneri debeant.

§. V.

Distributio autem illorum, seu cumuli totius redditus eatenus eidem Collegiatæ Ecclesiæ per dictum Petrum Archiepiscopum assignati, hoc modo; quod scilicet in primis summa triummillium ducatorum pro ipsa fabrica, eiusque usibus, & obligationibus residuo pro mensa capitulari remanente inde detrahi, ex portione

verò pro eadem mensa capitulari remanente, secundo loco, quod pro Abbatis, & quatuordecim Canonorum sustentatione, & vestuario, & deinde tertio loco, quod pro usu distributionum, ac quarto loco, quod pro dictarum personarum in probatione existentium, & hospitum, & quinto ac postremo loco, quod pro posteriorum duodecim Ecclesiasticorum adolescentium sive Collegialium manutentione necessarium erit, ita tamen quod redditibus huiusmodi non suppetentibus, eorum numerus proportionabiliter minui possit prædictorum quoque decem, & octo adolescentium, seu Collegialium Ecclesiasticorum numerus ex portione reddituum fabricæ prædictæ assignata manutenendus, si aliis eiusdem fabricæ usibus, & necessitatibus magis urgentibus supportatis, & detracta aliorum ministrorum sustentatione, illa ad id satis non fuerit diminui quoque valeat. Si verò redditus huiusmodi aliquando incrementum susceperint, illorum augmentum huiusmodi primo loco ad ampliorem Canonorum numerum, & proportionabiliter usque ad numeri vicenarii complementum in primæva ipsius Collegiatae Ecclesiae fundatione determinatum, manutentionem, & sustentationem, nisi aliæ donationes, & redditus per eundem Petrum Archiepiscopum, aut quamcumque aliam personam prædictæ Collegiatae Ecclesiae ad quemcunque alium finem specialiter assignentur, qui ad usus pro quibus assignati fuerint omnino applicari debeant.

§. VI.

[illegible]

TITULUS II. §. I.







De Reliquiis, Libris, & Laminis Sacri Montis.

Cumque causa principalis, quæ dictum Petrum Archiepiscopum ad foundationem, & constitutionem dictæ Collegiatæ Ecclesiæ moverat, fuisset ipsum Sacrum Montem in quo præfati Martyres martyrij palmam sunt consequuti Omnipotenti Deo, & eisdem Sanctis Martyribus dedicare ut in eo tanquam loco ad id divina providentia tot ante sæcula, ut conjicere licet prædestinato, eorum Sacrosanctæ reliquiæ, libri, & laminæ huiusmodi perpetuo conserventur, & quia rationi consentaneum est quod in ea semper remaneant, dictus Petrus Archiepiscopus juxta dispositum per supradictas litteras Apostolicas confirmationis, & erectionis dictæ Collegiatæ Ecclesiæ voluerat, quod prædictæ Reliquiæ in eadem Collegiata Ecclesia ac in eodem loco, ac sub eadem custodia prout tunc erant perpetuis futuris temporibus custodiantur, videlicet super Altari maiori illarum maior pars in quibusdam Urnis lapideis incorporatis retabulo, Reliquæ verò in quodam Reliquiario ad latus Epistolæ duplici sera, cuius Abbas unam, Thesaurarius verò dictæ Collegiatæ Ecclesiæ si fuerit Canonicus, sinminus antiquior Canonicus pro tempore existentes alteram, claves perpetuò retineant, & aliqua pars harum Reliquiarum in Sacratio, aut alio decenti loco sub ipsorum custodia

reponi poterit, libri verò, & laminæ plumbeæ in altero ad latus Evangelij in eodem retabulo existente Reliquiario quadruplici sera obserato, cuius una Regi, eiusque nomine Presidenti Regiæ Cancellariæ Granatensis, & alia Archiepiscopo Granatensi, aliaque Abbati dictæ Ecclesiæ Collegiatæ pro tempore existentibus, reliqua verò claves præfatæ Civitati Granatensi in illius Consilio, aut Senatu, nisi secus per dictum Petrum Archiepiscopum dispositum fuerit per Capitulum dictæ Collegiatæ Ecclesiæ consignari debeant.

§. II.

NEque Reliquiæ, libri, & laminæ hujusmodi, aut eorum pars aliqua ex ipsa Collegiata Ecclesia ad quemcumque finem, nec intuitu cuiusvis personæ in quacunque etiam quantumvis suprema dignitate Ecclesiastica, vel temporali constitutæ, ullo unquam tempore extrahi possint, atque ut id melius observetur Abbas, & singuli Canonici dictæ Collegiatæ Ecclesiæ in actu eorum receptionis hujusce constitutionis inviolabilem observantiam jurare teneantur.



11

TITULUS III. §. I.

De Approbatione.

Cumque etiam in constitutione tertia primi tituli cautum sit, quod duo Clerici in continua probatione existant, qui ad Canonicatus, & Præbendas pro tempore vacantes eligi possint, ipse Petrus Archiepiscopus voluerat, quod qui in huiusmodi probatione pro tempore admittendi fuerint in Presbyteratus ordine, vel saltem legitima ætate, & dispositione ad illum infra annum suscipiendum constituti esse debeant. Et si quis eorum ad dictum presbyteratus ordinem infra annum prædictum promotus non fuerit, in Canonicum eligi non possit donec presbyter fiat, & ea etiam cum eis diligentia, & inquisitio generis abhibenda sit, quæ cum his, qui ad Canonicatus, & Præbendas dictæ Ecclesiæ erunt recipiendi adhiberi debeat.

§. II.

Quodque præterea sic ad probationem recepti statim ad Sacrum Montem prædictum accedere, & apud ipsam Collegiatam Ecclesiam ad instar Canonico-
rum residere, divinisque officiis, & piis exercitiis in ipsa Ecclesia interesse, & sustentari, necnon vestuario, & distributionibus modo, & forma in titulo distributionum declarando gaudere, & sub obedientia Abbatis prout ipsi Canonici permanere debeant, sed aliquod particulare ip-

sus Ecclesiæ officium, præterquam in defectum Canon-
corum ad illorum exercitia, & non nisi ad effectum hu-
jusmodi ab ipso Capitulo capitulariter Abbate, sive Præ-
sidente, & tribus ex quatuor Capituli partibus convenien-
tibus electi fuerint, exercendum admitti non possint, ne-
que vocem in Capitulo habeant, nec etiam in Præsiden-
tes eligi possint.

§. III.

Capitulum quoque, & Canonici præfati post sex
menses à die receptionis, seu admissionis cuiusli-
bet eorum, quos ad probationem ut præfertur admitti
contigerit, & deinceps singulis quoque sex mensibus in-
simul ad tractandum si hujusmodi eorum probatio sit con-
tinuanda necne, per suffragia, vel vota secreta, nempe
per fabas albas, & nigras convenire debeant, & id quod
à majori parte resolutum fuerit exequi debeat: & si an-
te tempus sex mensium hujusmodi occasione alicujus par-
ticularis eventus Abbati, vel Præsidenti visum fuerit su-
per alicuius exclusionem esse tractandum, Capitulum, &
Canonici insimul capitulariter congregati desuper tracta-
re, & inquisita desuper veritate ad paria suffragia, modo
quo supra procedant.

§. IV.

ET occurrente alicujus Canonatus, & Præbendæ dic-
tæ Collegiatæ Ecclesiæ vacatione, ipsi ad proba-
tio-

tionem sic admissi anno probationis elapso ad illos sic vacantes eligi debeant. Si veró in probatione per annum nondum permanserint, in voluntate sit Capituli ex illis vel ex aliis eligere.

§. V.

ATque quando exclusionis alicujus eorum aderit legitima causa, id cum debita charitate, & secreto tractari, & deinde Capituli resolutio ei notificari, terminusque decem dierum, infra quem deliberare possit, si licentiam relinquendi probationem postulare velit, sumpto eo colore, quem ejus honori, & famæ magis convenire iudicaverit præfigi debeat.

§. VI.

Quodque Abbati, & Canonicis prædictis liceat alias personas eis benè visas in hospites in dicta Collegiata Ecclesia admittere, quæ in hospites probationis, sive Canonicos, vel Capellanos postea eligi possint ad illos tractandos, & explorandos, dummodo tamen major pars Capituli in hoc conveniat, & personæ huiusmodi numerum duorum non excedant, & ultra duos menses non retineantur, eisque interim victus tantummodò cum ipsis Canonicis, & nihil ultra subministrandus sit.

TITULUS IV. §. I.

*De Electione , & provisione Abbatis , Canonorum ,
Capellanorum , Collegialium , & aliorum Minis-
trorum dictæ Ecclesiæ.*

INsuper cum præsentatio, provisio, nominatio, vel electio, Abbatis, Canonorum, Capellanorum, Collegialium, & aliorum Ministrorum dictæ Collegiatæ Ecclesiæ ad dictum Petrum Archiepiscopum quandiu viveret, cum hoc tamen, quod persona sic præsentata, seu nominata, vel electa litteras provisionis Abbatiae huiusmodi á Sede Apostolica præfata infra certum tempus impetrare debeat, collatio etiam decem ex suprascriptis viginti Canonicatibus , & Præbendis pro prima vice á primæva erectione ad dictum Paulum prædecessorem, & Sedem Apostolicam prædictam, ad nominationem tamen prædicti Petri Archiepiscopi, prout in litteris Apostolicis prædictis spectaret , & pertineret, de reliquis autem Canonicatibus , & Præbendis prædictis dictus Petrus Archiepiscopus liberè disponere posset. In posterum autem quotiescunque viginti Canonicatus , & Præbendæ huiusmodi seu eorum aliqui in Januarij, Martij, Maij, Julij, Septembris , atque Novembris quibusvis modis , & ex quorumcunque personis vacarent , illorum collatio , & provisio ad Romanum Pontificem pro tempore existentem prævia nominatione seu electione dicti Petri Archiepiscopi vel Cap-

pituli prædictorum , in reliquis verò sex mensibus ad dictum Petrum Archiepiscopum quandiu viveret , ipso autem ab humanis exempto ad Abbatem , seu , dicta Abbatia legitimo possessore destituta, ad Archiepiscopum Granatensem, pro tempore existentes similiter ad nominationem Capituli vel Canonorum prædictorum ex eiusdem Pauli predecessoris indulto spectaret , & pertineret, & dictus Petrus Archiepiscopus vigore indulti huiusmodi ad Abbatiam, prædictam Petrum de Avila, & ad unum, & unam Augustinum Manrique , atque ad alium, & aliam Andræam Sarmiento, ac ad alium, & aliam Bartholomeum de Torres, atque ad alium, & aliam Andræam de Velasco, atque ad alium, & aliam Ioannem de la Fuente, necnon ad alium, & aliam Petrum de Santiago, ac ad alium , & aliam Franciscum de Barahona , & ad alium, & aliam Andræam de Valdes, ac ad alium, & aliam Antonium Merino , & ad alium, & aliam Ioannem de Estrada , & ad alium, & aliam Paulum de Valencia, & ad alium, & aliam Franciscum Hurtado, ac ad alium, & aliam Gabrielem de Ledesma Presbyteros, dilectos filios nominavisset, aut brevi nominaturus esset; ad reliquum , & reliquam ex quatuordecim Canonicatibus, & Præbendis , qui quatuordecim tunc temporis in dicta Collegiata Ecclesia existere , & sustentari poterant : & dictus Petrus de Avila in vim præsentationis , seu nominationis , vel electionis huius-

modi sibi de Abbatia per eundem Paulum predecessorem provideri obtinisset, dictusque Petrus Archiepiscopus Augustinum Manrique, ac Andræam Sarmiento, necnon Bartholomeum Torres, ac Andræam de Velasco, & Joannem de la Fuente, ac Petrum de Santiago, necnon Ioannem de Estrada, & Paulum de Valencia, ac Gabrielem de Ledesma, necnon Franciscum de Barahona supra dictos ad decem ex quatuordecim Canonicatibus, & Præbendis huiusmodi eidem Paulo prædecessori, sub conditione quod ipsi, & eorum singuli, cæterique alij deinceps per eundem Petrum Archiepiscopum, aut Capitulum huiusmodi, ut dictum est, respectivè nominati vel electi ad Canonicatus, & Præbendas pro tempore vacantes in sex mensibus Romano Pontifici præfato reservatis, provisiones desuper in vim præsentationis, seu nominationis, aut electionis huiusmodi ab eodem Paulo prædecessore, seu Romano Pontifice pro tempore existente infra debitum tempus impetrare, & obtinere tenerentur, præsentavisset, seu nominavisset, vel elegisset: quodque ipsi, eorumque singuli non nisi cum litteris Apostolicis suarum provisionum huiusmodi in dicta Ecclesia Collegiata in Canonicos recipi, seu admitti possent, reservata sibi reliquorum usque ad viginti Canonicatum, & præbendarum prima provisione quandocunque ad id redditus suppeterent, quorum prima provisio, & collatio, si dum vixisset facta non fuisset, ad Abbatem,

&

& Capitulum dicte Collegiatæ Ecclesiæ pari forma , & simili modo liberè spectabit , & pertinebit.

§. II.

Non quod etiam servata litterarum erectionis hujusmodi forma, post dicti Petri Archiepiscopi obitum occurrente quodcumque etiam in mensibus Sedi Apostolicæ præfatæ, sive alias reservatis, Abbatia, & singulorum Canonicatum, & Præbendarum hujusmodi vacatione, aut adveniente casu augmenti aliquorum ex sex Canonicatibus , & præbendis pro complemento numeri viginti Canonicatum, & præbendarum in dicta Collegiata Ecclesia erectorum deficientibus, & de quibus modo ex defectu competentium reddituum non providebatur, Abbas cæterique Canonici personas idoneas ad illos nominare debeant, ad Abbatiam verò unus ex Canonicis de gremio Capituli, & non alia quæcunque persona extranea, & cuiuscunque præeminentiæ, & ad Canonicatus, & præbendas pro tempore vacantes personæ, quæ in probatione per annum integrum perseveraverint, & non aliæ eligi debeant: liceatque etiam in defectum eorum qui per annum in probatione non fuerint, eos qui breviori tempore in ipsa probatione steterint, aut etiam extraneas personas, quæ in hujusmodi probatione non fuerint, idoneas tamen, & in quibus debite qualitates ad ipsius Ecclesiæ Collegiatæ instituta observanda concurr-

currant, eorum arbitrio eligere, aut providere, onerata graviter desuper eorum conscientia quibuscunque affectibus, & respectibus humanis, & temporalibus postpositis, prestitoque prius etiam per eos quando ad hoc congregati fuerint desuper juramento.

§. III.

ET quia ipsamet experientia docuit quam gravia damna, & inquietudines in similibus Congregationibus, & Communitatibus ex societate infimorum hominum maximé ex Iudæorum, maurorum, & poenitentiatorum in officio Sanctæ Inquisitionis hæreticæ pravitatis inquisitorum genere descendendum, aut alias originem trahentium generentur, & ideò non conveniat, ut in tam insigni Ecclesia similes personæ tali labe, per eos, vel eorum parentes, avos, seu alios antecessores contracta pollutæ sive maculatæ admittantur, nullus aliqua simili labe pollutus ullo unquam tempore eligi, aut in ipsa Collegiata Ecclesia in Canonicum, hospitem probationis, Capellanum, vel Collegialem recipi sive admitti possit, & ut personas sic assumendas simili labe carere constare possit, ipsi Abbas, & Canonici diligenter inquirant, & extrajudicialem informationem ex personis fidedignis de qualitatibus recipiendorum, & admittendorum sumere procurent, personamque de Sacro Monte huiusmodi ad
in-

informationem destinare, sive personas assumendas ordinario remittere seu delegare possint, prout magis expediens ipsi Capitulo videbitur, fiat etiam huiusmodi inquisitio sumptibus personæ de cuius vita, & moribus inquiri debebit sumenda, clausaque, atque sigilata in pleno Capitulo tempore quo negotium electionis huiusmodi tractandum erit legi, & publicari debeat, & non rumoribus inanibus, sed tantum certiori informationi attendatur, & quoad Collegiales inquisitio extrajudicialis sufficiat.

§. IV.

ADveniente verò vacatione Abbatiae, aut singulorum Canonici, & Prebendarum, aut aliquus loci probationis, Capitulum infra triduum à die habitæ notitiæ vacationis huiusmodi prævia intimatione die præcedenti facienda, quod de provisione vacationis huiusmodi sit in eo tractandum, congregari debeat; & in eo Abbas sive Canonici absentes vocentur, & si Abbas ab ipso Monte itinere quadraginta leucarum absens fuerit, spatio triginta, & singuli Canonici si itinere duodecim leucarum spatio decem dierum à die notificationis computandorum expectari debeant quibus terminis elapsis, & à die vacationis Abbatiae, aut Canonici, & Præbendæ efluxis triginta diebus, à die verò vacationis loci probationis, aut deficiente persona præcipue eligenda, nonaginta in sequentem diem ad futuram electionem

Capitulum convocabitur in loco suo solito, ipsoque hora designata congregato, Missa quoque de Spiritu Sancto per Abbatem, sive Præsidentem coram Capitulo celebrata, hymnus veni creator Spiritus cum oratione Spiritus Sancti, & Immaculatæ Conceptionis Beatæ Mariæ Virginis, necnon dictorum Sanctorum Martyrum in hora orationis recitari debeat, hisque peractis, ac lecta, & publicata informatione puritatis sanguinis sive originis eligendorum, statim ad electionem eorum dumtaxat solum, qui informationes suas exhibuerint, nisi eligendorum qualitates toti ipsi Capitulo notoriæ fuerint procedendum erit, & ipsa electio per secreta suffragia seu vota datis per Secretarium in cedulis singulis præbendis oppositorum nominibus, cum quibus Canonici sua suffragia, seu vota mittendo in Urnam, seu pixidem coram Abbate, seu Presidente in præsentia Secretarij nomem personæ pro qua suffragium, sive votum suum ferre voluerint dabunt, latisque ab omnibus suis suffragiis, aut votis, Abbas, vel Præsidentis cum Secretarij prædicti assistentia connumeratis suffragiis, seu votis, is pro electo habeatur, qui majorem votorum Canoniorum in Capitulo existentium partem obtinuerit; quod si vota seu suffragia ita divisa fuerint, ut nullus majorem partem habeat, secundum, & novum fiat eorum dumtaxat, qui paribus, aut pluribus votorum suffragiis suffulti extinterint scrutinium, & super eorum electione rursus eodem modo procedi debeat, quod

si denuo uterque eorum paria suffragia reportaverit, si electio pro Abbazia, aut Canoniatu, & præbenda vel loco probationis Abbate absente fiat, conscriptis oppositorum paria vota, & suffragia habentium nominibus in duabus cedulis, illisque in aliquo vase, in quo discerni non possint, positis, decantata ab omnibus genuflexis Antiphona: Tu Domine, qui nosti corda hominum ostende quem elegeris ex his duobus unum accipere locum ministerij hujus, tunc novissimus Canonicus in Capitulo præsens alteram ex cedulis è vase extrahere debeat, isque cujus nomen in ipsa cedula conscriptum erit pro electo habeatur; si verò Abbas electioni interfuerit in casu paritatis votorum, & suffragiorum, ille pro quo ipse votum seu suffragium tulerit, prævia ejus voti seu suffragij per eum facienda publicatione ad hoc ut clare constare possit pro quo ipse votum, seu suffragium suum dederit, electus censeatur, & absoluta electione omnes votorum, & suffragiorum cedulæ in præsentia totius Capituli comburi debeant: nec quisquam in Canonicum seu hospitem probationis, vel Capellanum eligi possit, nisi Presbyter, aut in ea saltem ætate, & dispositione quod infra annum ad Presbyteratus ordinem promoveri possit, constitutus fuerit, & si quis in presbyteratus ordine non constitutus electus fuerit, ipse ad eundem presbyteratus ordinem infra annum hujusmodi se promoveri facere omnino teneatur, alioquin Canoniatu, & Præbenda aut

loco probationis seu Capellania, ad quam electus fuerit ut præfertur, eo ipso privatus existat, & alia nova provisio, seu electio fiat, nisi ex iuxta, & rationabili causa capitulariter á tribus ex quatuor ipsius Capituli partibus approbanda secus visum fuerit, eoque casu tempus huiusmodi ad alium annum sibi prorogari, & extendi debeat.

§. V.

ET occurrente alicujus ex præbendis, seu locis probationis vacatione, neque Abbati, neque alicui ex Canonicis ante electionem ab ipso Monte recedere liceat, præterquam ex causa urgentissima, & á Capitulo approbanda, quæ non impediat tempore electionis ad ipsum Sacrum Montem redire. Isque etiam qui sic post huiusmodi vacationem ab ipso Monte recesserit amplius ad electionem vocari neque præstolari debeat.

§. VI.

Peracta autem electione modo quo supra illius decretum seu testimonium electo dari debeat ad hoc ut sibi Abbatia, vel Canonatus, & præbenda qui in aliquo ex mensibus Sedi Apostolicæ prædictæ ut præfertur reservatis vacaverint, Abbatia, seu Canonatus, & Præbendæ huiusmodi provisionem á Sede Apostolica prædicta obtinere teneatur. Si verò Canonatus, & Præbendæ vacantes in mense Capituli vacaverint Abbas eisdem

dem electo Canonatum, & Præbendam sic vacantes, aut ipsa Abbatia vacante Archiepiscopus Granatensis pro tempore existens illam sic etiam vacantem conferre teneatur, factaque canonica collatione Abbas cum litteris Apostolicis iuramentum in fine harum constitutionum insertum in Archiepiscopi Granatensis, singuli verò Canonici in Abbatis, vel Præsidentis Capituli pro tempore existentium manibus in præsentia Capituli ad hoc convocati præstare teneantur: Idem etiam iuramentum à Cappellanis quoque ad hoc ut recipiantur præstari debeat, illoque ab eis sic præstito in possessionem suæ præbendæ induci, & Abbas in sua, & Canonicus recipiendus in novissima Chori Sede collocari debeant, & statim quo Abbas ipsius Abbatiae possessionem fuerit assequutus, Canonatus, & præbenda per eum antea obtenti eo ipso vacent, & vacare censeantur.

§. VII.

Litteræ quoque singularum provisionum tam Abbatiae quàm singulorum Canonatuum, & præbendarum Sedis Apostolicæ præfatæ dispositioni pro tempore reservatorum sumptibus mensæ Capitularis dictæ Collegiatæ Ecclesiæ, ex cuius redditibus jura, & sumptus circa illius expeditionem necesarij persolvantur, expediri debeant: Capitulum quoque curam expeditionis earundem suscipere, & provisos litteras ipsas e manibus ipsius Capituli recipere teneantur.

I

Et

§. VIII.

ET ut etiam ad huiusmodi electionem liberius, & tranquillius procedi possit, quod adveniente aliquorum ex Canonicatibus, & Præbendis dictæ Collegiatæ Ecclesiæ vacatione, hospites, seu personæ tunc in probatione in Sacro Monte huiusmodi existentes infra tri-duum à die vacationis ab ipso Monte recedere, nec ad illum donec ipsa electio facta, & absoluta fuerit redire queant; occurrente verò Abbatæ aut Canonatus, & præbendæ, vel loci probationis, aut Capellaniæ, vel alterius officii, aut Collegiaturæ vacatione, Abbas, sive Præsidens, quod inter Canonicos cessent disceptationes, vel negotiationes super provisionibus ad evitandas divisiones, & concurrentias, etiam ad hoc ut electiones maiori quiete fieri possint, procurare etiam teneantur.

TITULUS V. §. I.

De residentia.

QUodque præterea Abbas, & singuli Canonici, & probationis hospites, Capellani, Collegiales, Succentor, Organista, & quilibet alii ejusdem Collegiatæ Ecclesiæ Ministri collegialitèr, & in communi apud ipsam Collegiatam Ecclesiam, & in Sacro Monte huiusmodi vivere debeant, ad cuius effectum ipse Petrus

Archiepiscopus domos in dicto Monte constructas eis concesserat, dederat, & adjudicaverat, prout easdem quatenus opus esset eis de novo dabat concedebat, & adjudicabat, & in eis habitationes sibi ipsis designabat, ita tamen quod vacantibus aliquibus Canonatibus ipsius Collegiatæ Ecclesiæ per obitum seu promotionem cæteri Canonici secundum gradum, & ordinem suæ antiquitatis ipsas habitationes, vel mansiones Canonicales, & reliqui etiam Ministri quilibet sui generis habitationes, pari modo optare possint; sed casu quo Organista, aut aliquis famulus fuerit conjugatus, & ob hanc aut aliam causam collegialiter, & in dicto Sacro Monte residere non possint, extra illum de licentia Capituli possint mansionem habere.

§. II.

Ipsique etiam omnes continuo apud eandem Collegiatam Ecclesiam residere, & statim quo eorum singulis de Abbacia, ac singulis Canonatibus, & Præbendis, necnon locis probationis, Collegiaturis, & Capellaniis, cæterisque dictæ Collegiatæ Ecclesiæ, officiis, & ministeriis provisum, ipsique recepti, & admissi fuerint, atque ipsi Canonici qui suas provisiones à Sede Apostolica præfata obtinuerint, ut vigore litterarum Apostolicarum, reliqui veró quibus de reliquis dictæ Collegiatæ Ecclesiæ Canonatibus ad dispositionem Abbatis remanentibus per ipsum Abbatem provisum extite-

rit requisiti fuerint, etiam in vim suarum provisionum sive electionum intra triginta, hospites verò probationis Capellani, Collegiales cæterique ministri infra quindécim dies á die notificationis suarum electionum, & provisionum teneantur singuli possessionem Abbatia, ac singulorum Canonicatum, locorum, Capellaniarum, officiorum, & ministeriorum suorum apprehendere, & ad habitationem sive residentiam apud ipsam Collegiatam Ecclesiam, & in eodem Sacro Monte se conferre, ibique etiam vivere, nisi terminus ipse eis per Abbatem, & Capitulum ex iuxta, & necessaria causa prorogatus fuerit, alioquin contra ipsos iuris remediis etiam usque ad privationem suarum provisionum, & nominationum ad suas Præbendas, officia, & ministeria hujusmodi procedi possit.

§. III.

ET postquam omnes residentiam inchoaverint, tunc & non antea, alimenta, vestuaria, & distributiones lucrari incipiant, ipsaque residentia inchoata eandem continuare, suisque officiis, & ministeriis, ut infra in eorum titulis declarabitur insistere debeant, alioquin hujusmodi alimenta, vestuaria, & distributiones neque in exteriori, neque in interiori suæ conscientia foris lucrentur.

§. IV.

Abbas tamen, & singuli Canonici, & hospites probationis quolibet anno occasione negotiorum, occupationum, & absentiarum eis pro tempore occurrentium á Collegiata Ecclesia, seú Monte hujusmodi spatio quinquaginta dierum continuorum, vel interpolatorum etiam per horas abesse possint, proviso, quod quando plures eodem tempore hoc absentiae privilegio gaudere voluerint, id eo modo fieri debeat quod defectus in Choro, & administratione Sacramentorum non interveniat, quod quidem de facili contingere posset, si plures eodem tempore absentes essent, in quo per Abbatem providendum erit, non poterunt tamen á puncto orationis excusari prout etiam infra in titulo de oratione tractabitur, præterquam per totius diei assumptionem, neque etiam in Dominica, aut quovis festivo die tam de præcepto Ecclesiae, quam quem in ipsa Collegiata Ecclesia cum solemnitate celebrari contigerit, idque intelligi debeat, cum præsentibus in ipsa Ecclesia fuerint, & ulterius Abbas, & Canonici, cæterique Ministri spatio temporis, pro rasura ordinaria necessario gaudere valeant.

§. V.

ET si quem ultra tempus quinquaginta dierum hujusmodi etiam cum Abbatis, & Capituli licentia abesse contigerit, distributionum quotidianarum interes-

sentias quatuor punctorum, de quibus infra in distributionum titulo tractabitur non lucrentur.

§. VI.

ET si pro tempore existens Archiepiscopus Granatensis aliquem ex Canonicis dictæ Collegiæ Ecclesiæ in Provisorum, seu Visitatorem elegerit, dummodo non sit ipse Abbas, talis electus hoc ministerium acceptare, & illud etiam absque eo quod ejus Canonicatus, & Præbenda propterea vacent, sive vacare censeantur exercere possit, interim tamen nihil ex dictæ Ecclesiæ Collegiæ fructibus lucretur, & cum hoc quod expleto officio intra triginta dies ad ipsius Collegiæ Ecclesiæ servitium ut prius revertatur, alioquin contra ipsum procedi valeat, etiam usque ad privationem Canonicatus, & Præbendæ. In similibus quoque officiis, seu ministeriis duo Canonici tantum, & non amplius eodem tempore occupari possint, quod si ab eodem Archiepiscopo Granatensi pro tempore existente fuerit quispiam alius ad aliquam aliam particularem commissionem, aut extraordinariam visitationem temporalem electus, si talis electus in eo munere non ultra sex menses se exercuerit, & reliquo illius anni tempore apud ipsam Collegiatam Ecclesiam resederit, vestuarium, non autem distributiones lucrari valeat, proviso etiam quod duo tantum Canonici eodem etiam tempore in hujusmodi commissionibus occupari queant;

nulli

nulli autem ex Canonici ipsi pro tempore existenti Archiepiscopo Granatensi in aliis suis particularibus ministeriis sub pœna vacationis ejus Canonatus, & Præbendæ intra tempus in his constitutionibus præfixum circa vacationem Canonatuum, & Præbendarum ex capite, non residentia inservire liceat.

§. VII.

Abbati quoque à dicta Civitate Granatensi absque Capituli licentia in scriptis obtenta abesse non liceat, & quoties è Sacro Monte ad dictam Civitatem Granatensem se conferre voluerit ipse id prius Præsidenti significare, & claves ei consignare teneatur, & si ipsi Præsidenti grave aliquod inconveniens ex frequentibus ejusdem Abbatis concursationibus ad eandem Civitatem proventurum esse visum fuerit, Assistentes desuper consulat, & si audita Abbatis informatione convenerit expediens non esse, ut ipse Abbas exeat, Præsidents id ipsum præfato Abbati significet, qui si monitus nihilominus exiverit, Præsidents convocato Capitulo hoc ipsum proponat; Capitulum quoque si exindé grave discrimen, & inordinationem exorituram cognoverit, huiusmodi licentiam pro tempore quoties conveniens illi videbitur denegare possit. Idemque Abbas extra Sacrum Montem præterquam de Præsidentis, & Assistentium licentia pernoctare nequeat, nec quisquam ex Canonici à dicta Civitate

Granatensi abesse possit absque ipsius Abbatis licentia in scriptis obtenta, quam idem Abbas ad tempus triginta dierum dumtaxat concedere, & hoc non nisi ex iuxta, & necessaria causa, quàm licentiam idem Abbas ad alios triginta dies prorrogare valeat, ita quod licentię huiusmodi ab ipso Abbate cuius Canonico infra spatium unius anni concedendæ, & prorrogandæ duos menses in totum non excedant, & quando eodem tempore duo ex præbendis de pari Abbatis licentia absentes fuerint, similis licentia aliis ab eodem Abbate concedi nequeat: Huiusmodi autem licentia á Capitulo Abbate absente concedi debeat.

§. VIII.

Quod si causa á Canonico pro eius absentia ab ipso Sacro Monte, proponenda plus temporis, quàm quod ab Abbate concedi poterit postulaverit, huiusmodi licentia ab Abbate, & Capitulo tribus ex quatuor partibus convenientibus ad tempus limitatum concedi debeat, illaque etiam hoc modo per suffragia secreta prorrogari possit onerata, desuper singulorum conscientia sub poena infrascripti iuramenti super observantia præsentium constitutionum præstandi: Ita tamen quod quælibet prorrogatio tempus trium mensium non excedat. Pro negotiis verò Sacri Montis Abbas, & Capitulum, tribus ex quatuor partibus concordibus licentiam sic absentes pro præsentibus pro eo tempore, quod huiusmodi negotia

tia postulare videbuntur admittentes concedere atque prorogare valeant, & de singulis huiusmodi licentiis, earumque prorogationibus ratio, sive nota in libro punctorum huiusmodi haberi debeat, quique sine licentia elapso licentiæ tempore per eum prius obtentæ, & sibi non prorogatæ absens fuerit, privilegio de requie vulgo de reclamatione non gaudeat, nec vestuarium præter alias poenas in his constitutionibus expressas, quibus mulctari debeat, lucretur.

§. IX.

Contra Abbatem quoque sive Canonicos, qui extra casus superius expressos, aut absque licentia ultra quatuor menses absens fuerit procedi possit etiam usque ad privationem, nisi durante huiusmodi absentia se infirmitate, quæ illum ad ejus residentiam impediverit, vel retardaverit detentum fuisse docuerit.

§. X.

Abbas præterea eiusdem Collegiatæ Ecclesiæ Capellanis licentiam abessendi à Choro per triginta dierum spatium per puncta vel dies quolibet anno, ita quod etiam licentiæ huiusmodi in libro punctorum annotentur, concedere possit; pro negotiis verò urgentibus extra Civitatem Granatensem præfatam Abbas, & Capitulum nemine discrepante licentiam prædictam ad alios viginti dies, & non ultra ipsis Capellanis prorogare valeant,

leant , & durante tempore quinquaginta dierum hujusmodi ipsi ita absentes pro præsentibus habeantur , & præter præmissa Abbati liceat hanc licentiam ad alios triginta dies , & Abbati , & Capitulo ad longius tempus Cappellanis absentibus á solitorum emolumentorum , & distributionum perceptione interim exclusis , ut supradictum fuit prorogare , & in quolibet puncto , in quo ipsi Cappellani in Choro dictæ Collegiatæ Ecclesiæ sine Abbatis , aut Præsidentis licentia, cessante infirmitate, vel patitur , defecerint, debitis emolumentis privabuntur. Capellanus quoque qui absque simili licentia ab ipsa Collegiata Ecclesia ultra duos menses absens fuerit, eius Capellania eo casu privari possit , nisi in ipsa absentia se infirmitate , quæ eius redditum ad residentiam impederit detentum fuisse docuerit.

§. XI.

ET si Abbas , aut quispiam Canonicus aliquod crimen sive delictum commiserit, propter quod apprehensus, vel detentus fuerit, is pro præsente in Choro haberi non possit, sed eo tempore , quo sic detentus fuerit distributiones amittat , nisi tamen ipse absolutus liberetur , & rata per eum amissa cæteris interessentibus accrescat.

§. XII.

Nulli etiam Canonico, aut alteri personæ ministerio dictæ Collegiætæ Ecclesiæ adscriptæ se inde ad dictam Civitatem Granatensem, aut alio absque Abbatis, vel Præsidentis licentia conferre, nec etiam tempore nocturno extra eundem Montem absque simili licentia in scriptis obtenta remanere liceat, & si quis contrarium fecerit, is pro culpæ gravitate arbitrio eiusdem Abbatis mulctari debeat, & si aliquoties in hoc excesserit pœnæ sive mulctæ etiam usque ad privationem sive exclusionem illius personæ ab ipsa Collegiata Ecclesia aggraventur. Privatio veró sive exclusio huiusmodi capitulariter per Abbatem, & Canonicos tribus ex quatuor partibus convenientibus, prout in titulo de pœnis delinquentium narrabitur, fieri debeat.

TITULUS VI. §. I.

De patitur infirmorum.

ABbas veró, & Canonici, qui in dicto Sacro Monte, aut de licentia Capituli in dicta Civitate Granatensi, & non alibi, ut dicitur in titulo trigessimæ constitutione quarta, verè ita infirmi fuerint ut in Choro ipsius Collegiætæ Ecclesiæ, nec aliis illius exercitiis interesse possint, singulis horis, quibus non interfuerint in tabella deficientium per verbum patitur, á Cen-

sore, sive punctatore notari debeant. Ad verificandum vero infirmitatem punctator ipse curet quando quis in oratione vel horis deficiet, aliquem Collegialem, qui causam inquirat transmittere, & si ex causa infirmitatis proveniat, notare per verbum patitur, si verò ex alia causa per verbum recle, seu deficit juxta absentiae qualitatem.

§. II.

IS autem, qui ex infirmitate convaluerit ad Chorum ad horam orationis, aut quando Missa maior celebratur, aut horæ decantantur accedere, & ibi se præsentare teneatur, alioquin ad nullam partem ire possit, præterquam ad Sacras Cavernas, seu criptas visitandum, nisi tamen de repente occasione alicuius negotii præcisi, & celeritatis ita coactus fuerit, ut id præstare non possit, eoque casu cum Abbatis licentia ab ipso certiorato punctatore, & Abbas eodem punctatore certiorato á Præsidente, satis erit, ut ad Chorum etiam extra horas accedat, & alias ipsi Convalescentes puncta, sive defectus suæ infirmitatis non lucrentur, & quod infirmitatis causa sit vera, & non levis diligenter prospici debeat.

TITULUS VII. §. I.

De exercitiis spiritualibus, & Divinis Officiis.

A Bbas quoque Canonici, & probationis hospites, Cappellani, & Collegiales singulis diebus in ipsa Collegiata Ecclesia coram Sanctissimo Sacramento, & Sanctorum Martyrum Reliquiis omnes in simul orationem mentalem spatio unius horæ continuæ de manè, à die Dominica Resurrectionis Dominicæ usque ad finem Septembris à quinta usque ad sextam, & à principio Octobris mensium, usque ad primam diem quadragesimæ à sexta usque ad septimam, & à principio Quadragesimæ usque ad diem Dominicam Resurrectionis Dominicæ huiusmodi à quinta hora, & media usque ad sextam, & dimidiam horam habere teneantur: caveatque diligentius Abbas ne quis in hoc deficiat, cum id unum ex præcipuis fundamentis huiusmodi foundationis sit: Feria tamen sexta in Cæna Domini, ac diebus Nativitatis, & Resurrectionis Dominicæ ab oratione mentali huiusmodi ratione assistentiæ in eadem Collegiata Ecclesia ad Matutinas excusentur, & nihilominus distributiones huiusmodi lucrentur.

§. II.

A Bsoluta autem oratione huiusmodi immediatè per spatium dimidiæ horæ pulsari debeat campana pro inchoatione primæ; & tunc omnes insimul in Chora

M

con-

convenientes in concentu psallentes Primam, Tertiam, Sextam, atque Nonam decantare debeant, ita tamen quod singulis Sabbathi diebus quibus Missa de Beata Virgine celebrari solet, illa statim finita oratione mentali hujusmodi celebrari debeat, facta verò elevatione statim campana pro prima pulsari debeat. In die verò Assensionis Domini nona post Missam majorem decantari possit. In die autem Penthecosten Missa major immediate post Tertiam quæ decantabitur hora, qua Missa major erit celebranda, illaque absoluta Sexta, & Nona decantari debeant, atque hisce diebus distributiones eo modo quo ratione Vesperarum, & completorii tempore quadragesimali lucrentur.

§. III.

ET statim quo Officium Primæ inceptum fuerit Missa ferialis diei currentis, quæ Missa de prima vocatur, singulis diebus perpetuis futuris temporibus pro anima quondam Christophori Baca de Castro dum vixit dicti Petri Archiepiscopi Genitoris, & aliorum ejus familiæ defunctorum salute, & refrigerio submissa voce celebrari debeat; illa verò singulis sextis feriis de Passione, & Sabbati de Beata Virgine, dummodo tamen non sit præter ordinem Missalis Romani, quæ Missa ab ipsis Abbate, & Canonicis, & non ab hospitibus probationis per turnum hebdomadarium celebranda erit, & Missam hujusmodi celebranti duo regalia pro ejus eleemosy-

na cum quarta parte alterius regalis monetæ illarum partium ex redditibus mensæ capitularis dari debeant. Et si Abbas, vel Canonicus in turno existens illam celebrare non poterit, illam subsequens in turno absque eo quod illa alteri celebranda committi possit cum eadem eleemosyna celebrare teneatur. Et quia in Vigiliarum, & quatuor temporum necnon quadragesimalibus diebus in quibus aliqua Sanctorum festa duplicia, vel semiduplicia, ac etiam in primis diebus mensium in quibus festa simplicia occurrunt in Cathedralibus, & Collegiatis Ecclesiis duæ Missæ, una de Sancto, & altera pro defunctis, sive de Vigilia vel feria celebrari solent, prima hujusmodi Missa pro defunctis, vel de Vigilia, seu ferialis esse debeat.

§. IV.

Singulis verò diebus Missa major de officio diei in cantu plano à Kalendis Octobris usque ad diem Dominicam Resurrectionis decima hora, & pro totius annis residuo hora nona de manè cujuslibet diei pro Senatu dictæ Civitatis Granatensis, atque ejus Civibus sive Incolis, necnon pro Granatensibus atque Hispalensibus Diocesanis celebrari debeat, ut Deus eis omnium bonorum spiritualium, & temporalium abundantiam, & pro ipso Petro Archiepiscopo, ut eum utilem ad divina obsequia reddat, eique veram pænitentiam, & peccatorum suorum remissionem, & aliis Granatensibus, &

His-

Hispalensibus Ecclesiarum Præsulibus sapientiæ, & cætera Spiritus Sancti dona concedere dignetur, & si aderit sufficiens Canonorum, aut Capellanorum numerus Missa ipsa cum diaconorum assistentia celebranda sit, quorum singulis semiregale pro vestuario dabitur, Missæque huiusmodi Abbas, singuli Canonici, hospites probationis, Capellani, & Collegiales interesse, ac Abbas, vel eo absente Præsides Missam ipsam festivi primæ classis, ac in Purificationis eiusdem Beatæ Mariæ Virginis, necnon cinerum, & Dominica in Ramis Palmarum diebus, necnon feria quinta, & sexta in Coena Domini, ac Sabbathi Sancti, necnon octava Corporis Christi, ac Sanctorum Hiscii, Mesitonis, Thesiphonis, Stephani, Ioannis Evangelistæ, necnon Dionisii Areopagitæ diebus, quorum omnium fit, & habetur in ipso Sacro Monte particularis memoria, Canonici veró, non autem hospites probationis, Reliquis diebus alternatim, & per turnum hebdomadarium celebrare teneantur, & unusquisque pro eleemosyna celebrationis cuiuslibet Missæ huiusmodi duo regalia cum dimidio alterius regalis similis accipiat. Et si quis á celebratione Missæ huiusmodi se excusaverit illam subsequens in turno absque eo quod alteri commendari possit celebret, & eandem eleemosynam etiam accipiat, Missaque huiusmodi per alium quemcunque, nisi quando facienda fuerit aliqua eiusdem festivitatis memoriâ cum solemnitate dotata supple-

-III-

ple-

pleri nequeat, quo casu hujusmodi Missa hora celebrationis Missæ maioris, & Missa de tertia post Nonam in tono celebrari poterunt, ipsaque Missa absoluta, Presbyter illam celebrans unum responsorium pro ipsius Petri Archiepiscopi animæ salute in ipsa Collegiata Ecclesia submissa voce, diebus dumtaxat exceptis, in quibus id ex ordinario Romano prohibetur, recitare debeat.

§. V.

ULterius Abbas, Canonici hospites probationis, Capellani, & Collegiales dictæ Ecclesiæ Collegiatæ singulis diebus Anni Vesperas atque Completorium à die prima Octobris usque ad primam Dominicam Quadragesimæ hora secunda cum dimidia, & Vesperas pro residuo totius anni, & Completorium Quadragesimali tempore hora tertia post meridiem Dominicis, & aliis festivis de præcepto Ecclesiæ, & etiam Sacri Montis Sanctorum in constitutione præcedenti prædictorum diebus, & primas Vesperas Paschatum, & singularum de præcepto Ecclesiæ Beatæ Mariæ Virginis, & prædictorum dicti Montis Sanctorum, aliarumque primæ Classis festivitatum, una cum Completorio prædictorum festorum in cantu plano decantare, reliquis verò diebus in tono seu submissa voce dicere, & recitare teneantur: præterea verò Nativitatis Domini, necnon quartæ quintæ, & sextæ hebdomadæ Sanctæ feriarum, & Do-

minicæ Resurrectionis decantari debeant; in festivitatis autem Corporis Christi, & in illius octava, necnon Purificationis eiusdem Beatæ Mariæ Virginis diebus, & Dominica in Ramis palmarum, necnon feria quinta, & sexta in cœna Domini, ac in die festivitatis Sancti Marci, & in Rogationibus minoribus, & etiam in Resurrectionis Dominicæ Processiones in ipsa Collegiata Ecclesia celebrari debeant.

§. VI.

Singulis quoque sextis feriis cuiuslibet hebdomadæ totius anni Abbas, Canonici, hospites probationis, & Capellani communicationem, seu conferentiam spirituales præterquam in octavis Paschatis Resurrectionis Nativitatis Domini, Epiphaniæ, & Penthecostes, & hebdomada Sancta, & infraoctavam Corporis Christi, & festivitibus de precepto Beatæ Mariæ Virginis, & eiusdem Sacri Montis Sanctorum, Sancti Ioannis, & Sancti Petri, ac sextis feriis Iulii, Augusti, & Septembris, in quibus dies festi occurrerint, necnon die festivitatis omnium Sanctorum, ac etiam Vesperis prædictarum festivitatum exceptis, habere debeant, punctumque rei de qua in communicatione, seu conferentia huiusmodi tractandum erit antecedenti feria sexta pro subsequente proponet, atque resolvet. Is qui præsidebit, & singuli cum brevitate suam opinionem dicant, & antequam in com-
mu-

municationem , seu conferentiam huiusmodi procedatur ex hymno. Veni Creatur Spiritus , primus versiculus , & per te sciamus da Patrem , cum Spiritus Sancti , & Conceptionis Beatæ Mariæ Virginis, necnon Sanctorum Sacri Montis huiusmodi orationibus , quæ in Ecclesia recitantur, recitari debeat , Abbatisque seu Præsidentis erit cavere , ne aliquis in hoc exercitio absque licentia , quæ non nisi ex urgentissima causa concedi debeat, deficiat.

§. VII.

Quodque singulis secundis , & quartis feriis cuiusque hebdomadæ festivitibus minimè occupatis, inter personas supradictas communicatio , seu conferentia rerum moralium à die Dominica Resurrectionis usque per totum mensæm Junij immmediatè post Vesperas, & pro residuo anni tempore per spatium unius horæ ante cænam, exceptis Julii , Augusti , & Septembris mensibus, & Octavis Paschatis Resurrectionis , & Nativitatis Domini, Epiphaniæ, & Penthecostes, ac hebdomada Sancta, & Vesperis Sanctorum præfati Montis, necnon Conceptionis , atque Anunciationis ejusdem Beatæ Mariæ Virginis, ac Sancti Ioannis Baptistæ, & Sancti Petri, necnon Sancti Pauli , omniumque Sanctorum, atque Assensionis Dominicæ, & Corporis Christi, cum illius octava , aliarumque festivitatum , in quibus decantatæ fuerint Vesperæ, haberi etiam debeat, affixa in carta mate-

ria tractanda in aliquo convenienti loco die præcedenti communicationis, seu conferentiæ hujusmodi pro alia proxima subsequenti, quæ ab eo cui Presidentiæ locus hujusmodi ab ipso Capitulo destinatus fuerit resolvi; quæstio quoque proposita omni cum modestia, & absque pertinacia, seu perfidia, aut verborum incompositione ventilari, & discuti, materia quoque ipsa proposita usque ad illius resolutionem continuari, & illa resoluta, alia tunc proponi debeat.

§. VIII.

Singulis quoque diebus, præterquam iis in quibus Vesperæ decantari solent, & in diebus rasuræ, vel in quibus Collegiales recreantur, qui asueti vocantur, cantus, lectio, sive exercitium erit. Abbas quoque, aut Præsidentis quod hebdomadarius Missæ de tertia, ut repetitionem eorum, quæ ab illo sunt canenda faciat, & hospites probationis, Capellani, & Collegiales exceptis his qui in cantu versati, & etiam legitimè impediti fuerint interveniant curare debeat. Ordo, & hora ad id conveniens ab ipso Abbate, vel Præsidente erit assignanda.

§. IX.

Abbas præterea, & singuli Canonici, hospites probationis, & Capellani aliis occupationibus non impediti festivis diebus in sedibus vel Confessionariis ad Christi fidelium confessiones audiendas; si tamen vel
post

postquam ad id ab Ordinario approbati fuerint, ne ipsos Christi fideles ab ipsa Collegiata Ecclesia absque Sacramentorum solatio, & remedio recedere contingat, residere teneantur: Pro reliquis veró diebus, is qui tabel- lam officiorum cuiuslibet hebdomadæ habuerit, duos, ex quatuor aut sex Confessoribus á Capitulo nominatis, & ab eodem Ordinario approbatis in principio anni quando cæteri officiales nominantur per turnum hebdomadarium designavit, alterum ad mulierum alterum verò ad virorum confessiones audiendas, qui huic muneri tam de manè, quam de sero incumbere ut omnium Christi fidelium huiusmodi pro suis peccatis confitendis ad ipsam Collegiatam Ecclesiam accedentium confessiones audire debeant. Et si ipsi duo propter Christi fidelium huiusmodi affluentiam satis non fuerint audiant etiam confessiones cæteri confessores designati, & Abbas, sive Præsidentis etiam de aliis ut præfertur approbatis sibi bene visis provideat. Ipsique omnes Abbati, vel Præsidenti parere, omniumque, & singulorum Christi fidelium pœnitentium confessiones, sine personarum acceptione audire teneantur, & mulierum per cancellos, seu transennam, nec liceat ab ipsis pœnitentibus elemosynas quascumque etiam pro Missarum celebratione petere, vel recipere, nec etiam mulieribus ad Sacrum Montem huiusmodi accedentibus munuscula quæcumque donare, ut filii, & successores ipsorum Sanctorum Martyrum in hoc munere, & officio

appareant , sed hoc munus dumtaxat ad Dei gloriam,
& animarum salutem exercere debeant.

§. X.

UTque iuxta piam dicti Petri Archiepiscopi intentionem ad omnium , & præsertim Diocesanorum Civitatis , & Diœcesis Granatensis spirituale commodum propensam pro etiam fundamento in ipsa fundatione inter cætera per ipsum Petrum Archiepiscopum electo consultum iri possit, quod semel, vel bis in anno duo ad minus ipsius Collegiatæ Ecclesiæ Canonici , qui ab Abbate vel Præsidente , & assistantibus designabuntur, onus missionis ab ipso Monte ad partes eis quoque designandas , & ad tempus eis præscribendum suscipere teneantur , cum quibus unus hospes probationis, & unus, aut duo Capellani , ac etiam de consensu duarum ex tribus partibus Capituli aliquis clericus licet non sit ex gremio Sacri Montis ire poterunt, prævia Archiepiscopi Granatensis pro tempore existentis licentia , & suscepta prius eius benedictione cordi sibi figentes se tanquam gloriosorum martyrum successores charitatis spiritum, & circa bonorum temporalium despectum , cum quo ipsi fidem ipsam Catholicam in his Regnis seminarunt, exhibentes hoc munus exercere sese in verbi Dei prædicationibus , confessionibus Christi fidelium audiendis, Sacrosancti Eucharistiæ Sacramenti administratione , &

Doc-

Doctrinæ Christianæ institutione ardenti zelo occupare satagentes laboribus nullatenus parcentes, nec se spectaculis, aut aliis solatiis ab hoc exercitio distrahere patientes, neque etiam munera, aut alia dona acceptantes, sed sibi necessaria sumptibus mensæ capitularis eiusdem Collegiatæ Ecclesiæ, ex cuius redditibus sustentari debeant ementes, & curam expensæ persona ab ipso Abbate, vel Præsidente designanda in se suscipiat, & sumptus ordinarios dicti Montis quoad fieri poterit non excedere procuret: & circa sumptus, & expensas huiusmodi standum erit iuramento illius, cui onus expendendi Abbas, seu Præsidentis commiserit: cæteri autem in dicto Sacro Monte remanentes labores, & onera ex inde adaucta, & multiplicata ab omnibus proportionabiliter, & cum hilaritate, habita ratione ad bona, & commoda, quæ exinde ad animarum salutem ex huiusmodi missionibus resultant, sustinere curent: absoluto quoque missionis huiusmodi munere, ipsi de eorum gestis Abbati, & Canonicis in pleno Capitulo, & sub inde intra triduum Archiepiscopo Granatensi pro tempore esistenti, vel eo absente eius Provisori rationem reddere teneantur, ipsæque missiones in libro particulari annotari debeant.

§. XI.

UTque etiam obligationi, qua dictus Petrus Archiepiscopus erga Ecclesiam Hispalensem illiusque Diœ-

cesim tenetur aliqua ex parte satis fiat ipsæ missiones ad eundem etiam Hispalensem Archiepiscopatum fiant; hoc modo scilicet, quod completo in eodem Sacro Monte viginti, aut quatuordecim Canonorum, & sex Capellanorum numero, duo Canonici ut præfertur nominati, singulo quoque biennio ad Archiepiscopatum seu Diocesim Hispalensem, illiusque populos, & loca qui institutione magis indiguerint, & qui eis ab Archiepiscopo Hispalensi etiam pro tempore existente nominati fuerint, & ad tempus sibi ab ipso Archiepiscopo Hispalensi pro tempore existente præscribendum, accepta eius Sancta benedictione, & licentia, ac exhibito eidem huiusce constitutionis transumpto, cuius etiam copia in Archivio Curiae Archiepiscopalis Hispalensis, ad hoc ut Archiepiscopus Hispalensis pro tempore existens illius notitiam habeat, & ipsis Canonici quæ sibi visa fuerit injungat destinari, ipsique Canonici sumptibus eiusdem Montis in his piis occupationibus iuxta formam præcedentis statuti, seu constitutionis, nempe in verbi Dei prædicationibus, confessionum auditionibus, ac Sacrosanctæ Eucharistiæ administratione, & Doctrinæ Christianæ institutione sese exercere debeant, & huiusmodi missio loco unius ex missionibus Granatensis Diocesis habeatur.

50

TITULUS VIII. §. I.

De distributionibus.

UTque Abbas ac singuli Canonici, & Capellani divinis officiis, cæterisque exercitiis prædictis maiori cura, & solitudine incumbant, eaque ratione præmium exinde reportent quamvis divini cultus, non autem alicuius præmii intuitu id fieri debeat, quod ipsi distributionibus quotidianis sequenti modo gaudere debeant.

§. II.

IN primis omne necessarium ad sustentationem habebunt prout dictum est, ut infra in titulo de Domus Regimine continetur, ultra quod quilibet Canonicus, & probationis hospes postquam in probatione ultra biennium permanserit, annis singulis summam quadraginta, Abbas verò octuaginta ducatorum liberorum, & immunium ab omni subsidio excusato, & ab alia quacunque compositione, quia hæc omnia tam pro Abbatia, & Canonicatibus, quam pro Capellaniis ex redditibus Sacri Montis persolvenda erunt pro eorum singulorum vestuario á die qua apud ipsam Ecclesiam Collegiatam residere cæperint, pro rata temporis eorum cuiuslibet residentia, ut hisce constitutionibus præsertim in titulo residentia cautum est, percipiant, hac tamen prævia declaratione quod pro sustentatione, & alimentis ni-

hil extra ipsum Montem ex quavis causa, seu ratione, præterquam in missionibus, aut aliis ipsius Collegiatae Ecclesiae negotiis ab aliquo percipi possit sub, onere tamen tempore quo dicto vestuario gaudebunt celebrationis unius Missæ singulis quoque mensibus per Abbatem, & quemlibet ex Canonicis, necnon probationis hospitibus pro prædicti Christophori Vaca de Castro dicti Petri Archiepiscopi genitoris, ipsiusque etiam Petri Archiepiscopi, & aliorum, pro quibus dictus Petrus Archiepiscopus obligatus est animarum salute, & refrigerio submissa voce celebrandæ, ipsæque etiam Missæ in particulari libro ad id destinato annotari debeant, ad hoc ut de singulorum satisfactione constare possit, nec cuiquam portio vestuarij consignari vel persolvi, nisi prius ex ipso libro constiterit eum integrè satisfacisse, & si quispiam defecerit, illius defectus ex ipsa portione ad rationem duorum regalium pro eleemosyna cuiuslibet Missæ deduci debeant, & talis Missa dicetur per Collectoriā.

§. III.

EX hora orationis quilibet Canonicus, & probationis hospes tres quartas regalis partes, & Abbas duplicem portionem, singuli vero Capellani semiregale si durante primo horæ quarto ingressi fuerint, percipiant.

§. IV.

Ratione autem Missæ de prima illam celebranti per modum eleemosynæ duo regalia cum quarta alterius regalis parte, ut in titulo exercitiorum constitutione tertia continetur, attribui debeant.

§. V.

Pro interessentia verò primæ, Tertiæ, Sextæ, & Nonæ, quæ subsequenter decantari solent, unusquisque Canonicus, & probationis hospes semiregale, & Abbas integrum, singuli vero Capellani quartam unius regalis partem, si saltem ad decantationem Gloria Patri secundi psalmi horæ primæ ingressi fuerint, habeant, & recitatio omnium dictarum horarum hujusmodi pro uno puncto habeatur.

§. VI.

Missam verò maiorem celebranti eleemosyna duorum regalium cum dimidio dari, Abbati autem si illam celebraverit eleemosina ipsa duplicari debeat, & ulterius Canonicus Missam huiusmodi celebrans, cæterique Canonici, & hospites probationis pro interessentia medietatem unius regalis pro quolibet, & Abbas integrum regale, Capellani verò quartam partem unius regalis dummodo ipsi omnes ante absolutionem Epistolæ, seu primæ prophetiæ, si eo die occurrat, interfuerint, lucrentur.

Et

§. VII.

ET ratione vesperarum ac completorii, quorum ratione unum punctum notari solet, etiam si continuatim non decantentur seu recitentur, prout fit tempore quadragesimali, quilibet Canonicus, & hospes probationis semiregale Abbas vero integrum, & singuli Capellani quartam unius regalis partem habeant, dummodo ad decantationem Gloria Patri primi psalmi Vesperarum ingrediantur.

§. VIII.

Canonici quoque ac hospites, & Capellani, qui in Missis decantatis in habitu Diaconali ministraverint, semiregale percipiant.

§. IX.

ET ratione matutinarum cuiuslibet festivitatis Nativitatis Domini, & feriæ quartæ, quintæ, & sextæ hebdomadæ Sanctæ, necnon Dominicæ Resurrectionis de mane singuli Canonici, & hospites probationis unum, Abbas autem duo regalia, & singuli Capellani medietatem unius regalis lucrentur, hanc autem distributionem si saltem in fine invitatorii ingressi non fuerint, amittant.

§. X.

ET pro capparum pluvialium in Missarum, Vesperarum, & matutinarum celebratione decantatione, vel recitatione, assumptione, qui cappas, & pluviales

les huiusmodi assumpserint singuli Canonici , & hospites semiregale , & Presbyter in singulis vesperis , matutinis , & processionibus in quibus cappam pluvialem assumpserit, integrum, Abbas verò duo regalia lucrentur,

§. XI.

Singuli quoque Canonici , & hospites , qui cuilibet processioni interfuerint, semiregale , & Abbas integrum , & singuli Capellani quartam regalis partem habeant.

§. XII.

Similem quoque portionem singuli eorum qui conferentiis spiritualibus, & moralibus interfuerint lucrentur, eam verò si durante priori horæ quarto ingressi non fuerint, amittant.

§. XIII.

Distributio autem , seu distributionum portio quartæ partis unius regalis Canoniconum probationis, hospitem , & Capellanorum , & dimidij regalis Abbatis ratione horæ orationis , & ratione vestuarii, altaris, capparum , processionum , conferentiarum quoque spiritualium , & moralium, quæ manuales sunt, á personaliter assistantibus , ac omnibus aliis , á quibus prout in constitutione decima septima hujus tituli memoriæ , & anniversaria lucranda erunt, simili modo , & forma lucrabuntur.

§. XIV.

Succentor seu Subcantor quoque, & Organista si Clericali charactere insigniti fuerint, horæ orationis & conferentiarum spiritualium, atque moralium distributiones, quæ pro manualibus habentur, omniaque alia manualia, & quartæ partis unius regalis existunt ad instar Capellanorum, lucrentur.

§. XV.

Aliæ verò distributiones, quæ manuales non sunt, ut supra dictum est, per patitur, & requiem, aut recle, ac in aliis sacri Montis occupationibus, & missionibus lucrari possint.

§. XVI.

Tpsæ etiam distributiones etiam manuales, quas absentes ab officiis, & exercitiis amiserint, cæteris præsentibus, & interessentibus respectivè acrescant. Vestuaria verò, quæ absentes in casibus suprà dictis in titulo residentia expressis amiserint, Abbati, & Canonicis præsentibus, quæ inter eos pro rata repartiri debeant, accrescant. Multæ quoque Canonorum, hospitum, & Capellanorum, distributionum etiam manualium, per Abbatem, vel Præsidentem iudicatæ, præsentibus quoque pari modo accrescant. Poterit autem Abbas, & Capitulum pro vitandis molestiis, & multiplicitatibus computorum, absentium huiusmodi distributiones multas, & manualia pro arbitrio suo fabricæ dictæ Ecclesiæ Collegiatæ attribuire, & applicare.

Me-

2

tem percipiat, & deficientium portiones de novo inter omnes Abbatem, & Canonicos modo præmisso repartiri debeant.

§. XVIII.

ET Missæ cantatæ, & submissa etiam voce celebrandæ anniversariorum huiusmodi per Abbatem, & Canonicos prædictos per turnum ab ipso Abbate inchoandum, & usque ad novissimum Canonicum continuandum celebrari debeant.

§. XIX.

Probationis verò hospites pro duobus Prioribus suæ probationis, annis Anniversariorum, & memoriarum participes non efficiantur, nec etiam manuales distributiones superius relatas lucrentur, transactis verò duobus annis huiusmodi illarum omnium fiant participes.

TITULUS IX. §. I.

De Abbate.

Insuper Abbas Abbatiam dignitatem unicam in ipsa Collegiata Ecclesia obtinens tanquam illius caput in omnibus rebus, seu actionibus primum locum, & præminentiam pro sui oneris auctoritate habeat.

§. II.

EIque statutorum atque constitutionum dictæ Collegiatae Ecclesiæ observantia, sive executio incumbat,

bat, & de super pro sola sua auctoritate in communi provideat, exceptis casibus in Capitulo vel cum assistentibus, ut superius notatum fuit, & infra dicetur, tractandis.

§. III.

Ipsius quoque Abbatis sit Capitulum in omnibus casibus necessariis convocare, curam clausuræ gerere, domus necessitatibus, & provisioni prospicere, & quod singuli officiales, & ministri suis obligationibus, & ministeriis respondeant, & ad hunc effectum quoties sibi visum fuerit domos seu mansiones Canonicales, cæterasque Officinas, & loca Sacri Montis huiusmodi absque eo quod desuper ab aliquo impediri possit, visitare valeat, omnesque illi absque aliqua contradictione parere debeant, salva tamen libertate proponendi in Assistentium consultatione ea in quibus per dictum Abbatem circa præmissa limites suæ iurisdictionis, & auctoritatis excessum fuisse cuilibet videbitur, ad hoc ut quod in præmissis agendum erit iuxta disposita in titulo duodecimo Assistentium salubriter provideri possit, utque id melius adimpleri queat statim quo ipse Abbas in Abbatia huiusmodi possessione admissus fuerit omnes, & singuli tam Canonici quam hospites probationis, & Capellani, & Collegiales eidem obedientiam præstare, & in eius manibus eidem iuxta formam præsentium constitutionum parendo, & in hac constitutione disposita adimplendo iuram

mentum præstare teneantur, ipsique etiam in pœnam per
jurii incidant toties quoties eis eorumque singulis Abbas
quidquam ponderis, seû considerationis sub pœna præstiti
juramenti præceperit, & non adimpleverint, simile quoque
iuramentum omnes, & singuli, qui in ipso Capitulo de
novo admissi fuerint statim præstare teneantur.

§. IV.

ABbas quoque auctoritatem atque iurisdictionem abs-
que Assistantium ministerio circa Canonicorum,
aliarumque dictæ Collegiatæ Ecclesiæ personarum correc-
tionem, & mulctarum inflictionem habeat in omnibus ca-
sibus sibi benevisis, tam quoad illos qui in observatione
constitutionum, ac laudabilium dictæ Collegiatæ Ecclesiæ
consuetudinum defecerint, quàm quoad eos qui sibi obe-
dire neglexerint, aut in aliis similibus deliquerint, li-
ceatque sibi eos per subtractionem distributionum hora-
rum, & exercitiorum ad tempus sibi benevisum spatium
tamen unius hebdomadæ non excedens, aliisque etiam
pœnis pecuniariis summam duorum ducatorum pro quali-
bet vice non excedentibus, mulctare, & si Abbas quem-
piam ex Canonicis Capellanis, aut aliis ministris prædic-
tis gravius, & præter subtractionem distributionum ho-
rarum unius hebdomadæ, vel ultra pœnam duorum du-
catorum huiusmodi singulo quoque bimestri mulctaverit,
possit is qui ita gravatus fuerit ad Assistantium consul-
tam,

tam, in qua causa sui gravaminis tractari, & modo in titulo Assistentium disposito resolvi debeat, recursum habere, ipsique Assistentes alias mortificationis poenitentias moderatas prout eis pro correctionis, & emendationis huiusmodi excessus qualitate convenire visum fuerit illarum loco infligere possint.

§. V.

Electio quoque, & nominatio omnium Ministrorum, & famulorum pro usu, & servitio domus necessariorum, iis duntaxat exceptis, qui in priori constitutione tituli officiorum, aut in alia harum constitutionum, quorum electio ad capitulum spectare debet, penes ipsum Abbatem liberè remaneat; isque cum eis de salario, & mercede convenire, ac eos etiam in casibus sibi etiam benè visis dimittere possit. Sed si alicui salariū augendum fuerit, id per congregationes administrationis fiat. Si verò numerus ministrorum, & famulorum per Abbatem, & Capitulum per tres ex quatuor partibus augeatur: non tamen pro servitio Abbatis, aut alicuius Canonici in particulari; liceatque eidem intra annum cæteros dictæ Ecclesiæ Collegiatæ officiales ad defectus, & absentias personarum, per Capitulum ad ipsius Ecclesiæ Collegiatę ministeria nominatorum, supplendos nominare: præterquam in casu vacationis perpetuæ, & in officiis Assistentium, & Administratorum, in quorum absentis per capitulum provideri debeat. Interim autem

do-

42
donec persona ad officium nominetur, illud antiquior
Canonicus exerceat.

TITULUS X. §. I.

De Officiis Ecclesiæ.

UTque in quolibet die translationis Sancti Jacobi,
quæ trigesima cujuslibet mensis Decembris celebra-
tur, capitulum congregari debeat, ad faciendum electio-
nem officialium ipsius Collegiatae Ecclesiæ: nempe Præ-
sidentis, Assistentium, Administratorum, Computatorum,
Clavigerorum, Thesaurarii, Secretarij capituli, Colec-
toris, Punctatoris, conferentiarum moralium Præsidentis,
chori Correctoris, Bibliothecæ Præfecti, Rectoris Colle-
gii, rituum, seu cæremoniarum Magistri, Custodis sup-
pellectilis domus (quem vulgo Roperio vocant) & Hos-
pitatoris, qui omnes, & singuli suo muneri, secundum
laudabiles ipsius Collegiatae Ecclesiæ consuetudines, &
hujuscæ constitutionis dispositionem respondere debeant.
Atque celebrata Spiritus Sancti Missa in orationis hora,
singuli ad Capitulum procedant finito completorio, Hym-
noque, Veni Creator Spiritus dicto, cum ejusdem Spiri-
tus Sancti, necnon Immaculatæ Conceptionis Beatæ Ma-
riæ Virginis, & Sanctorum Montis Sancti orationibus, Ab-
bas, sive Præsident statim officium, de quo providen-
dum erit, proponet, servato dignitatis cujuslibet officii
ordine: factaque unius electione, ad reliquorum electio-
nem

nem ordine supra relato, in hac constitutione procedi debeat. Præsidentis verò, Assistentium, Administratorum Thesaurarii, Collectoris, Punctatoris, Clavigeri, Provisoris domus, Collegii Rectoris electio per vota, seu suffragia secreta adhibitis eisdem forma, & ordine, quæ in Canonorum electione abhibentur, & prout in electionum titulo constitutione quarta dispositum est, fieri debeat.

§. II.

IN Præsidentem unus, in Assistentes verò, & Clavigeros duo ad quodlibet officiorum, qui illa coniunctim exercere teneantur, nominari debeant, & quamvis Collector ac Punctator unus, & idem esse debeat ad amborum officiorum exercitium, tamen duo ad hujusmodi officia nominentur quorum primus ipsa officia præcipue exerceat, & alter illius defectus, & absentias supleat.

§. III.

AD Præsidentis, Assistentium, Administratorum, & saltem alterius, ex Computatoribus, Præsidentis quoque conferentiarum moralium, & Rectoris Collegij officia soli Canonici eligantur, ad reliqua verò hospites probationis, sive Capellani indifferenter, prout ipsi Capitulo videbitur assumi possint.

§. IV.

Ipsa autem electio, & nominatio ad annum tantum, & non ultra fieri debeat, præterquam quoad Administratores, & Computatores officia ad quorum singula quolibet anno unus tantum ad duos annos in alterius locum subrogari, & nominari, alter verò in alium annum continuari debeat ad hoc ut semper unus quolibet horum officiorum tempore electionis alterius per annum exercitaverit, & status negotiorum ad officia huiusmodi spectantium, & quæ circa eorum exercitia tractanda sunt cognitionem habeant, & in eisdem omnibus officiis ipsi toties quoties eidem Capitulo videbitur præterquam Administratores, & Clavigeri qui non nisi à dimissione officiorum anno ad minus elapso, & absoluto reeligi possint.

§. V.

Personæ quoque ad singula officia nominatæ sive electæ officia huiusmodi cum omni obedientia, & humilitate acceptare teneantur, attamen si legitimam excusationis causam habuerint, eandem causam in ipso met Capitulo proponere debeant. Illaque discussa per fabas albas, & nigras, an admittenda, vel rejicienda sit, resolvi debeat, & quod maiori parti placuerit, vel in eventum paritatis votorum parti cui ipse Abbas adhærebit absque alia replicatione exequi debeat. Abbas quoque intra limites facultatum sibi ex forma harum

constitutionum attributarum sese continens nominatum si-
ve electum ad aliquod officium ad illius acceptationem,
& exercitium pœnis sibi benè vassis cogat, & compella-
lat, & si pœnas huiusmodi leves esse, & magis ri-
gorose procedendum esse cognitum fuerit, ad id per Ab-
batem, & Capitulum coniunctim procedi debeat.

§. VI.

Eodem etiam modo Abbas, & Capitulum ad Suc-
centoris, seu Subcantoris, Organistæ, Sacristæ,
& Apparitoris, quem Pertiguerium vulgo vocant elec-
tionem, & assignationem salarii officiorum procedere de-
beant. Et huiusmodi nominatio, sive electio adveniente
quacunque ex officiis huiusmodi vacatione facienda est.

§. VII.

Interveniente quacunque occasione levaminis, aut re-
motionis alicuius ex officialibus, qui ab Abbate, &
Capitulo nominari debent, ab ipsismet sumpta diligenti
informatione causarum levaminis, seu remotionis huius-
modi fieri, & alius in locum remoti modo supradicto
eligi debeat, & in hoc casu, & in eventum etiam va-
cationis perpetuæ ex alia quavis causa, lapsus seu spa-
tium anni ad novam nominationem, & electionem hu-
iusmodi non expectetur, sed illa statim pro residuo il-
lius anni fieri debeat.

TITULUS XI. §. I.

De Præsidente.

UTque facta Præsidentis electione forma supradicta in titulo præcedenti ipse Præsidentis Abbatem pro tempore existentem quando præsens fuerit iuxta consuetudinem Ecclesiæ, & Domus in quibuscunque rebus, & negotiis specialiter sibi ab eodem Abbate commissis coadiuvare debeat, illique circa rerum, & negotiorum huiusmodi expeditionem in omnibus, prout ipsi Abbati ab aliis parendum est; Abbate verò absente omnia, & singula ad Abbatem spectantia peragere possit, & valeat, omnesque illi tanquam ipsimet Abbati obsequentes esse debeant, ita tamen quod in eventum multarum, multas tantummodo in horis, & earum distributionibus per quatuor dies pro qualibet vice tantum infligere possit, & ex huiusmodi multis ab eo inflictis, eodem modo quo ab Abbate, ad Capitulum recursus haberi possit, vestuarium tamen, & distributiones duplices prout Abbas non habeat, sibi etiam aliquem ex ministris ab Abbate deputandis absque Abbatis consultatione, quem quoad hoc maximè cum de proximo venturus sit expectare debeat, præterquam in causa urgenti, & necessaria, quod illius prudentiæ remittitur, neque dimittere, neque recipere liceat.

§. II.

Abbatē veró, & Præsidente absentibus munus seu officium Præsidentis circa regimen domus, & chori, & Capituli cum eisdemmet declarationibus, & limitationibus præcedenti constitutione propositis, & expressis, subire debeat antiquior Canonicus, prout Præsidentis, cui etiam similis obedientia præstari debeat.

§. III.

Præsidentis quoque simul cum Abbatē in consultationibus, quas ipse Abbas cum Assistantibus super morali regimine domus, & rei familiaris administratione habebit, intervenire debeat, & in illis Abbatē absente votum decisivum, eo verò præsentis, votum consultivum dumtaxat habeat.

§. IV.

Et tam in Abbatis præsentia, quàm illius absentia in Choro, & Capitulo, & alio quocumque loco primum locum immediatè post Abbatem etiam si in ordine Canoniorum alius inferior locus illi debeatur, obtineat.

TITULUS XII. §. I.

De Assistantibus, & Consultis.

Quodque etiam ex gremio Canoniorum duo qui Assistentes vocentur juxta modum, & formam in

officiorum titulo expressos , eligantur , cum quibus , & Præsidente, Abbas, & eo absentè, ipse Præsidentis omnia, & singula negotia, quæ eorum quilibet consultatione digna judicabit, domus regimen , & gubernium , rerumque ipsius Sacri Montis circa mores, & consuetudines, Divinum cultum, reliquumque morale gubernium, dispositionem concernentia consultare teneatur, & ipsi Assistentes omnia, & singula, quæ illis emendatione digna videbuntur perspicere , & animadvertere curabunt , ut in consultationibus , quæ saltem singulis quindecim diebus, vel sæpius si opus fuerit , faciendæ sunt , proponantur, & resolutionem , quàm in ipsa consultatione fieri contigerit in libro ad hunc effectum tenendo à moderniori Assistente connotari, & scribi debeat , & ea quæ ab ipso Abbate , vel eo absente à Præsidente altero ex Assistentibus illius sententiæ adhærente resoluta fuerint, etiam si aliorum pars dissenserit omnino exequi debeant: & casu quo neuter ex Assistentibus sententiæ Abbatis, vel in ejus absentia Præsidentis adhæreat, negotium hujusmodi capitularitèr tractari, & resolutio à maiori parte capituli capta exequi debeat. A resolutionibus verò, ab Abbate altero ex Assistentibus illi adhærente captis, denuò ad Capitulum nulla via, causa, vel ratione recursus haberi possit; nec liceat capitulo in illis se se intromittere , cum ipsius Petri Archiepiscopi intentio in hoc fundata sit , quod absolutum Ecclesiæ , & domus

gu-

gubernium ad Abbatem modo quo supra, præter alios casus, qui notantur in his constitutionibus, quæ illius solius sunt iurisdictionis, spectet, & pertineat, & in hac constitutione dispositum sub poena iuramenti facti circa observationem harum constitutionum dictus Petrus Archiepiscopus voluerat observari.

TITULUS XIII. §. I.

De Administratoribus, & administratione rei familiaris.

ET quod insuper nominentur ex gremio eorundem Canonorum duo Administratores, modo, & forma in titulo officiorum expressis, qui una cum ipso Abbate administrationi rei familiaris ejusdem Sacri Montis incumbere, cum quo, & Præsidente ad id in consultationibus Ordinariis, & quoties ipsi Abbati opus esse videbitur, convenire teneantur.

§. II.

Ipsi quoque Administratores specialem curam omnium rerum administrationem rei familiaris dicti Sacri Montis concernentium habere debeant, & pro meliori illius regimine in ipsius Abbatis habitatione hora ab eodem Abbate designata singulis saltem quindecim diebus, & quoties expediens fuerit, & Abbas ordinaverit, convenire. Ipsique Abbas, & Præsident, & Administratores omnia,

&

& singula negotia præfatam administrationem concernentia inter se conferre, tractare, & decernere debeant. Et si omnes in eandem sententiam non convenerint resolutioni ipsius Abbatis dummodo alter ex Administratoribus illi adhæreat standum sit, & si ambo Administratores opinioni Abbatis non adhererint negotium ad ipsum Capitulum, ubi illud resolvi debeat, remittatur. Resolutiones quoque in ipsa Congregatione captæ in libro ad id destinato per novissimum Administratorem, qui ipsius Congregationis Secretarius existat annotentur, & semper in principio cuiuslibet Congregationis ea quæ in præcedenti Congregatione resoluta fuere legantur, & referantur ad hoc ut si ea executioni hactenus demandata non fuerint, quod pro meliori illorum executione expediens videbitur, decerni debeat.

§. III.

IN hac etiam Congregatione Œconomus qui exactioni reddituum, & proventuum, aliarumque rerum eiusdem Sacri Montis, illiusque fabricæ, & mensæ capitularis, yacet, nominandus erit, ac conditiones, & fideiussiones quibus se ad reddituum huiusmodi exactionem, & securitatem obligare debet, erunt etiam decernendæ stipulandæ, & acceptandæ, salarium verò per Abbatem, & Capitulum erit assignandum, & facta nominatione ad effectum illius approbationis in capitulo erit præsentanda, & si ita expediens videbitur mandatum ad reddituum hu-

jus-

iusmodi exactionem illi tradi debeat, ipsaque nominatio ad biennium dumtaxat fiat, rationemque suæ administrationis in fine cuiuslibet anni reddat, & si in fine secundi anni residuum fuerit, iterum atque de novo, nisi prius soluto residuo, quod in arca tribus clavibus clausa, de qua infra in titulo Clavigerorum fit mentio recludi debeat, eligi non possit. Ipse quoque Œconomus, sive Receptor ad Capituli beneplacitum, si ita expediens iudicaverit, removeri valeat.

§. IV.

Nominabitur in hac quoque Congregatione persona, quæ negotiorum, ac litium Sacri Montis præfati tam in dicta Civitate Granatensi, quàm alibi ubicunque fuerit curam ac sollicitationem habeat cui salarium assignabitur, conditiones imponentur, instructionesque tradentur necessariae, & huiusmodi nominatio Capitulo præsentabitur, à quo si expedire visum fuerit, approbabitur, eique etiam mandatum sufficiens, & opportunum ad prosecutionem litium pendentium, sed si novæ lites intentandæ veniant, novum, & speciale mandatum illi ad hunc effectum, & non alias, ab ipso Capitulo tradi debeat. Si verò necessarium fuerit aliquem Canonicum ad sollicitationem, seu expeditionem alicuius litis, aut alterius dicti Sacri Montis negotij destinare, hec resolutio, & nominatio in Capitulo capi, & fieri debeat.

§. V.

PRæterea in hujusmodi Congregatione omnes litteræ, Epistolæ, & relationes Agentium, & sollicitatorum litium erunt aperiendæ, & legendæ, illisque responsiones, & necessariae instructiones dandæ, & transmittendæ, executio autem responsionum, dispositio, & ordinatio memorialium, & instructionum Administratori, cui materia illa, seu tale negotium obtigerit, remittatur, & in quadam parte libri hujusce Congregationis particularis omnium, & singularum dicti Sacri Montis litium relatio annotabitur, quæ in singulis Congregationibus ordinariis relegatur ad hoc ut sæpius renovata litium hujusmodi memoria habita ratione earum, status quod necessarium fuerit ordinetur, & disponatur.

§. VI.

IPse etiam Œconomus, seu Receptor cum decreto, seu Consilio Congregationis huiusmodi locationes, & affecta necessaria bonorum, prædiorum, & possessionum dicti Sacri Montis satisfacta prius dicta Congregatione conditionum, solutionis, securitatis, ac prætij, quod etiam in mandato illi tradendo exprimi debeat; si verò locatio, vel concessio ad alicuius vitam fiat ad Capitulum, ut in eo quid faciendum sit determinetur, remitti debeat.

§. VII.

QUando autem aliquorum bonorum acquirendorum, seu emendorum, aut imponendorum censuum, vel etiam bonorum stabilium de licentia Sedis Apostolicæ præfatæ alienandorum, aut ad vitam locandorum, seu in perpetuum censuum, vel ad tempus concedendorum, aut construendi alicuius operis, seu edificij, vel emptionis alicujus rei argenteæ, aut ornamentorum pro ipsius Collegiatæ Ecclesiæ, usu neccessaria occasio se præbuerit, id pariter in ipsa Congregatione tractari, conferri, & quid agendum fuerit resolvi, & statim in Capitulo proponi, & in eo per suffragia seu vota duarum ex tribus partibus concordari, & quod sic capitulariter concordatum fuerit eidem Congregationi exequendum remitti debeat. Ita tamen quod quando pro usu, & servitio dictæ Collegiatæ Ecclesiæ, vel domus aliquid emendum sit, cujus pretium valorem viginti ducatorum non excedat, id ex solius huiusce Congregationis resolutione emi possit, ex simili quoque ejusdem Congregationis resolutione neccessariæ reparationes circa Ecclesiam, & domum huiusmodi illiusque prædia, & possessiones, ac suppellectilem argenteam, necnon Sacristiæ ornamenta fieri possit, proviso, quod hæc omnia, & singula aptè refecta, & reparata sint.

§. VIII.

AC etiam ex eadem Congregatione emanabunt cedulæ , seu litteræ pecuniarum (vulgo libranzæ) quarum vigore pecuniæ pro sumptu ordinario , tam domus Provisori tradendæ sunt , quàm Abbati , & singulis Canonicis , & Capellanis pro vestuario , & distributionibus , ac etiam pro salariis quorumcunque Collegiatæ Ecclesiæ , & domus hujusmodi Ministrorum , & pro quibuscumque aliis usibus , sumptibus , & solutionibus , quæ per Œconomum persolvendæ fuerint , & quascumque solutiones cum supradictis cedulis sive litteris pecuniarum saltem manu duorum ex hujusmodi Congregatione subscriptis , seu firmatis , quorum unus Abbas , & in ejus absentia Præsidens esse debeat , sumpta illarum ratione ab altero ex Calculatoribus , sive Computatoribus Sacri Montis prædicti una cum quietantia illius , qui pecunias hujusmodi receperit Œconomus exhibuerit in suis computis admitti debeant. Quo verò ad minutas expensas , quas ipse Œconomus circa reparationes , lites , & vecturas aut portes aliaque similia fecerit , data earum copia vera , & iurata in fine cuiuslibet mensis , & in ipsa Congregatione , sive á persona , ex dictæ Congregationis , cui commissa fuerit perspecta , & subscripta , & ab altero ex Calculatoribus , sive Computatoribus sumpta ratione , præfato Œconomo etiam nullo alio præcedente ordine , seu mandato , admittendo , & approbando esse debeant.

§. IX.

Ipsa etiam Congregatio in fine cuiuslibet solutionis termini decernet, & diriget libranzas, seu mandata de solvendo vestuaria, distributiones, manualia, atque anniversaria, & salaria Abbatis, & singulorum Canonico- rum aliarumque personarum atque Ecclesiæ, & Domus huiusmodi Ministrorum, quibus ea omnia, & singula Œconomus in ipso Sacro Monte infra biduum post debitam requisitionem persolvere debeat. Idque conditiona- liter in illius nominatione, sive electione, & in litteris suę deputationis, seu œconomix apponi debeat, & hu- jusce constitutionis observantiam antequam mandatum exercitij eius officij illi tradatur, iurare teneatur, & su- pradiçtæ solutiones fient habita consideratione diei in- choationis residentix, ut fertur in titulo quinto residen- tiæ Constitutione tertia, quia omnes vacantix usque ad diem inceptæ primæ residentix mensæ capitulari cedent absque eo quod novi provisi quicquam ex eis petere, vel prætere- dere possint.

§. X.

ET si ex aliqua causa aliquando officium œconomix huiusmodi vacans fuerit, ipsa congregatio personas sibi benevisas ad necessariam sollicitudinem circa reddi- tum Sacri Montis exactionem adhibendam nominabit. Ita quod ea quæ interim exigere contigerit in arca prædic- ta tribus seris, vel clavibus obserata deponi debeat, super

qua quæcunque cedula libranze, seu solutiones consignabuntur, quæ alias ipsi Œconomo si fuisset remitterentur, quæ ab ipsis Clavigeris persolvi, & in ipsa arca servari debeant, ad hoc ut cum illis rationem reddere possint, quando ex pecuniis dictæ Arcæ reddenda fuerit.

§. XI.

ET si aliquando super sterilitate alicuius fundi, seu predij ipsius Sacri Montis aliquis sequester, seu mediator, aut pro suprascripta re familiari, seu alia quacunque aliquis præspectator, mensurator, aut æstimator fuerit nominandus, is ab ipsa Congregatione nominabitur.

§. XII.

ET si aliqua concordia, sive transactio super aliqua lite vel differentia dicti Montis ineunda extiterit, id in ipsa etiam Congregatione tractari, & quod in ea conveniens repertum fuerit postmodum Capitulo ad hoc ut in eo quid agendum fuerit, concordari, & resolvi possit, referri debeat, ipsumque Capitulum speciale, vel generale mandatum personis fidelibus ad dictas concordias, & transactiones, cæteraque similia interesse dicti Montis concernentia, quæ extra dictum Sacrum Montem, & Civitatem Granatensem tractanda, & facienda fuerint, tradere valeat, ipsæque personæ hæc negotia absque alio Capituli Consilio, seu communicatione tractare, & exequi poterunt.

Sta-

§. XIII.

STatutum etiam esse voluerat idem Petrus Archiepiscopus, ut singulo quoque anno ipsi Administratores, & Œconomus, omnia, & singula dicti Sacri Montis prædia in dicta Civitate Granatensi, & infra spatium unius leucæ circumcirca consistentia, & singulo quoque biennio unus Administrator, & Œconomus, ea, quæ citra spatium huiusmodi, tam in illius agro, & termino quàm alias ubilibet ad ipsum Sacrum Montem spectaverint, tempore ad id in dicta Congregatione designando, visitare, necnon relationem reparationum quibus illa pro tempore indigebunt facere teneantur, ipsæque reparationes cum primum id commodè fieri poterit, visa prius in ipso Capitulo illorum Administratorum relatione, & emanato desuper eiusdem Capituli ordine, seu decreto, fient, & ipsi Abbas, & Administratores executioni mandabunt, Capitulum autem ad visitationem prædictorum ultra spatium unius leucæ huiusmodi ab ipsa Civitate Granatensi distantium, singulo biennio ut præfertur faciendam, certum tempus ad illam peragendam eisdem Administratoribus præfigere etiam debeat, ipsæque visitationes sumptibus Sacri Montis huiusmodi fiant, & sumptus huiusmodi in eos computus iuxta declarationem Administratoris visitantis, ita tamen quod sumptus cuiuslibet diei summam mille morapetinorum non excedant, admitti debeant, ipsæ quoque visitationes, & quidquid

quid desuper resolutum fuerit, in libro eiusdem Congregationis separatim cum nota diei, mensis, & anni annotari debeant, ad hoc ut in huiusmodi Congregatione eorum executionis cura haberi possit.

§. XIV.

QUo verò ad resolutiones in ipsa Congregatione capiendas, his quæ ab Abbate vel eo absente à Præsidente, & ab altero ex Administratoribus resoluta fuerint, stari debeat, & si neuter dictorum Administratorum ipsi Abbati, vel Præsidenti adhæserit, id in Capitulo proponi, & resolvi debeat.

TITULUS XIV. §. I.

De Computatoribus.

ERunt insuper in dicto Sacro Monte ex gremio Canonorum, sive Capellanorum duo Calculatores, seu Computatores modo quo supra in titulo officiorum nominandi. Ipsique in Camera computorum ipsius Sacri Montis assistant tempore necessario ad res, quæ ad officium suum spectant, illisque incumbet Œconomi, Clavigerorum, ac domus Provisoris, necnon expeditoris, seu dispensatoris, Collectoriæ, & fabricæ accipere computa, & alia quæcumque rei familiaris dicti Montis quando opus fuerit, & illa ad calculum revocare, & adæquare rationes, & subducere, residua solidare, & annotare.

In

IN ipsa quoque rationum, & computorum Camera libri erunt distincti, in quibus singulorum officiorum, & administrationum computa exigantur, & annotentur seorsum, & separatim præsertim verò reddituum dictæ fabricæ pro cuius credito capitali redditus annuus trium millium ducatorum illi ab ipso Petro Archiepiscopo in titulo foundationis dictæ Ecclesiæ Collegiatæ assignatus, & quisvis alius illi deinceps quandocunque assignandus, & qui ad ipsam fabricam pro tempore spectabit, dari, assignari, & adjudicari debeat, & in computis, seu rationibus reddituum fabricæ hujusmodi exactione quicquid pro sustentatione, & salario Apparitoris, quem Pertiguerium vulgo vocant, Sacristæ, Organistæ, & Succentoris, necnon pro sustentatione, & sustentatione sex Capellanorum, & octodecim Collegialium una cum quantitate trium millium morapetitorum, quæ pro singulis Collegialibus, ut in præfata foundationis titulo constitutione secunda dicitur, & similiter quæ pro ipsius Ecclesiæ, & Sacristiæ servitio, & ornamentis, cera aliisque illius rebus, necnon reparationibus, & edificiis in Collegiata Ecclesia, & domo hujusmodi pro tempore construendis insumi contigerit, constituto de ipsis expensis, iuxta formam dispositionis in his constitutionibus admitti debeant.

§. III.

Ipsique Calculatores, seu Computatores facient cedulas, seu litteras pecuniarum, quæ à prædicta Administratorum Congregatione, vel Capitulo erunt subscribendæ, in quibus à Computatore, vel Calculatore, qui eas fecerit, firmari debeat, quod illa cedula, seu libranza alias data, seu relaxata non fuit, & post subscriptionem illius in libro rationali in ipsa rationum, seu computationum Camera existente annotabitur.

TITULUS XV. §. I.

De Clavigeris, & Arca depositi.

Praterea erit in ipso Sacro Monte arca, seu Capsa tuta atque secura tribus seris, & clavibus obserata in Abbatis sive Presidentis, aut alicuius ex Administratoribus, vel Clavigeris cubiculo, seu cella, ubi Administratorum Congregationi magis expedire videbitur, quarum una penes antiquiorem Computatorem seu Calculatorem in dignitate, reliquæ verò penes duos Clavigeros modo quo supra in officiorum titulo nominandos, remaneant.

§. II.

ET in ea æs universum ad ipsum Montem Sacrum, pro capitali spectans, non tamen ex illius redditibus proveniens, & tam quod in emptionem bonorum convertendum fuerit, quam quod, ex aliquorum bonorum

rum prævia Sedis Apostolicæ prædictæ licentia, Venditione, vel redemptione alicujus census, sive rei donatæ, datæ, vel relictæ dicto Sacro Monti pervenerit, reponi debeat; æs enim hujusce generis, aut alterius similis in universum ex huiusmodi tamen redditibus ut præfertur non procedens, quod capitale ad effectum illud in aliorum bonorum, aut reddituum emptionem pro ipsius Montis utilitate, & augmento convertendi habeatur, nec exinde ad alium quemcunque finem extrahi possit.

§. III.

IN illa quoque residua, seu rationum subductiones Æconomorum pro tempore existentium, aut aliarum personarum reponi debeant, absque eo quod successoribus Æconomis tradi possint, aut illorum exactio eis committi queat, & huiusmodi residua, in eos usus, in quibus redditus dicti Sacri Montis converti solent præviis cedulis seu litteris pecuniarum super ipsis residuis modo quo super ipsis Æconomis consuevit, converti, & expendi debeant; pecuniæ, etiamque ea, aut quacumque alia ratione in ipsa arca reponendæ erunt, in illa à dictis Clavigeris infra sex horarum spatium ab earum receptione sub pœna infractionis iuramenti super observantia præsentium Constitutionum præstandi, reponi debeant.

§. IV.

IN eademque arca redditus reponentur, quos vacante **Æ**conomatus officio exigere contigerit, denturque cedulae modo quo supra **Æ**conomo si fuisset, ut in titulo **A**dministratorum dictum est.

§. V.

IN ea etiam liber illius rationum sit, in quo ille **C**alculator sive **C**omputator, qui pro tempore **C**laviger fuerit eas pecuniarum summas quas in illa reponi, & etiam exinde extrahi contigerit, per distinctas, & separatas partidas, quod cuilibet materiei convenerit, & in una pecunias sortis principalis, ut in **C**onstitutione secunda huius tituli expressum est, in alia verò eas quæ ex residuo **Æ**conomorum, aut aliarum personarum provenierint, in reliqua autem illas quæ in defectum **Æ**conomi exactæ fuerint, annotare debeat; alius etiam sit similis rationis liber in **C**amera computorum, ut per illum cedulae, seu litteræ pecuniarum necessariæ fieri possint, sine tamen aliquo excessu pecuniarum cuiusvis generis, quæ in ipsa arca pro tempore extiterint, & absque eo quod necesse sit ad ipsius arcæ librum recursum habere, & in eadem etiam arca singularum pecuniarum quas pro tempore solvi contigerit, cedulae, seu consignationes observari, & custodiri debeant, ut ex illis, & ex libris rationis huiusmodi, ratio pecuniarum, quæ in ipsa arca pro tempore repositæ fuerint, haberi possit, hæcque ratio, & computum in fine cuiuslibet anni fieri, & adequari debeat.

TITULUS XVI. §. I.

De Thesaurario , & Sacrista.

Thesaurarius insuper qui modo in titulo officiorum contento pro tempore nominatus fuerit suo oneri regimen , & superintendentiam Sacristiæ, & Cryptarum, & Cavernarum Sacri Montis habeat , curamque quod omnia , & singula ejus officio credita, & commissa , ordine, compositione , nitore , & custodia convenientibus disposita sint , utque , & major , & minor Sacristæ suo muneri plene respondeant; & circa custodiam , reparationem, & munditiam ornamentorum , necnon Altarium, illorumque tabularum, seu Imaginum , Reliquiarum , cæterarumque Ecclesiæ, & Sacristiæ rerum, curam, & sollicitudinem gerat , cui Thesaurario circa præmissa quilibet defectus imputabitur, & pro eo erit mulctandus.

§. II.

Ipsique Thesaurario simul cum Sacrista , qui similiter à Capitulo nominatus fuerit, & ad Capituli satisfactionem fideiussiones dederit omnia , & singula ornamenta, aurum, & argentum aliaque in dicta Sacristia existentia in inventario consignari, & in fine cuiuslibet anni quando novus Thesaurarius nominatus fuerit, ratio elapsi anni juxta tenorem inventarii huiusmodi exigi , & in eo ea, quæ de novo accesserunt, addi, & consumpta ab eo tol-

li debeant ; novaque subinde rerum existentium consignatio , Sacristæ , & novo Thesaurario fiet. Thesaurarius quoque ipse claves distinctas , & separatas in rebus sibi benevisis sibi retinere poterit.

§. III.

IN ipsa quoque Sacristia erit arca duabus seris , seu clavibus obserata, quarum una penes ipsum Thesaurarium , altera verò penes Computatorem, seu Calculatorem rationis exactorem remaneat , in qua tota cera ipsius Sacristiæ asservetur , & in ea etiam sit liber in quo memoria , & ratio totius ceræ, quæ in ea reponi , & ex ea extrahi contigerit habenda sit , & alia etiam sit arca , unica tantum sera obserata , cuius clavim ipse Thesaurarius habeat, & in qua cera usualis pro servitio Ecclesiæ retineatur ex qua dictus Thesaurarius ceram pro servitio dictæ Ecclesiæ singulo quoque die necessariam ipsi Sacristæ tradere debeat, & residuum recuperare curet.

§. IV.

Thesaurarius ut Sacristia rebus omnibus ad servitium dictæ Collegiatæ Ecclesiæ necessariis etiam odoribus , & pastillis pro festivis diebus provisa , & instructa sit, curare teneatur, quod omne pro ipsius dispositione expendendum, & distribuendum erit, & in computis admitendum sola eius relatione iurata.

§. V.

POterit quoque idem Thesaurarius in quibuscumque rebus minutis, quicquid pro servitio ejusdem Sacristiæ necessarium fuerit, dummodo singula partita valorem octo regalium non excedat, expendere, & illi de hujusmodi sumptu, seu expensa mediante illius relatione iurata in Administratorum Congregatione ad eius exonerationem cautio dabitur.

§. VI.

IS etiam quascunque eleemosynas in subsidium, seu subventionem Sacristiæ erogandas recipiet, & illas notabit, & adscribet in libro ad id per eum tenendo, & de his in fine cuiuslibet anni rationem reddere debebit.

§. VII.

Prohibitum etiam sit ne suppellex argentea, aut ipsius Ecclesiæ ornamenta alicui accommodari, sive in mutuum dari possint, neque Abbas, & Capitulum etiam integrè convocatum, & nemine discrepante, sub poena juramenti super observantia præsentium constitutionum præstiti, licentiam ad id concedere possint.

TITULUS XVII. §. I.

De Secretario Capituli.

Secretarius Capituli etiamsi non sit de numero Canonicorum nominari possit, ipseque obligatus sit

singulis Capitulis interesse , & quicquid in ipso Capitulo resolutum , atque conclusum fuerit annotare , & subscribere debeat in libro actorum Capitularium qui diligenter in ipso Capitulo sub idonea custodia, absque eo quod sibi liceat illum ad quemcunque finem , & effectum inde extrahere, asservetur , & quando ad huiusmodi officium admissus fuerit de illo fideliter exercendo, & ea quæ in ipso Capitulo tractari contigerit, abdita, & occulta conservando juramentum præstare teneatur.

TITULUS XVIII. §. I.

De Collectore , & Punctatore Collectoriæ.

Collectoris, & Punctatoris officia ab unica, & eadem tantum persona exerceantur, ut in officiorum titulo dictum est, distinctos tamen , & separatos libros habeat, unum videlicet nuncupatum quadrantem pro Punctatoris officio, in quo Abbatis singulorumque Canonico-
rum , Capellanorum , & Collegialium , defectus, seu absentia in omnibus , & singulis officiis , atque exercitiis, pro quibus fuerint distributiones assignatæ, possint annotari , alterum verò pro Collectoris officio in quo rationem Missarum solutarum á particularibus personis in eorum dispositionibus testamentariis , aut etiam in eorum vita relictarum, & commissarum sumpta memoria, & ratione personæ Missas huiusmodi relinquentis sive committentis , & quæ Missa sit, & qua die illa recepta fuerit,

rit, necnon etiam Missarum, anniversariorum perpetuorum cæterarumque Ecclesiæ obligationum, ut pote primæ, & majorum, seu Conventualium, & earum quæ singulo quoque mense celebrandæ sunt aliarumque similium, & ab illis qui eas celebraverint, subscribantur, & subinde in fine cujuslibet trimestris seu alterius termini tertio nuncupati, eosdem libros ipsis Computatoribus, seu Calculatoribus, ut nominationes faciant, traddere debeat, necnon horas, Missas, atque conferentias illis interessens. Punctum verò orationis statim post finem illius antequam é Choro recedat, annotare, & signare debeat.

§. II.

NEc possit ipse Collector alij Sacerdoti, qui non sit ex ipso Sacro Monte Missam quamcunque celebrandam committere, nec etiam pro celebrata puncto obsignare, nec etiam ipsius Montis Sacerdotibus Missarum hujusmodi celebrationem extra dictum Montem Sacrum, nisi ipsius Montis servitiis occupati fuerint, & prævia licentia facere licebit, tamen si tot Missæ celebrandæ fuerint, quæ ab ipsius Montis Sacerdotibus celebrari non possint, eo casu ipse Abbas alios Sacerdotes extraneos, qui illas celebrent nominare poterit, & Sacerdotes qui sic nominati fuerint modo quo supra punctis obsignari possint.

§. III.

OMnes etiam memoriarum atque anniversariorum nec non Cappellaniarum Missæ, quas in ipsa Collegiata Ecclesia pro tempore fundari contigerit, ab ipsis Abbate, Canonicis, & Capellanis Sacri Montis tantum, & non ab aliis extraneis Sacerdotibus, vel Capellanis celebrari possint, & quæcunque contrariæ huic constitutioni fundationes, aut dotationes admitti nequeant.

§. IV.

Nulli etiam Canonico, vel Capellano liceat Missas Collectoriæ recipere, & si quis Collectore absente similes Missas, seu Missarum eleemosynas receperit, easdem ipsi Collectori infra spatium viginti quatuor horarum traddere debeat, ad hoc ut illas in libro Collectoriæ notet, & scribat, & suo ordine cum eas celebrari contigerit, signet, & punctet.

§. V.

Eleemosyna cuiuslibet Missæ Collectoriæ sit duorum regalium, nec Collector onus celebrationis Missarum cum minori eleemosyna recipere possit, hancque duorum regalium eleemosynam Sacerdoti illam celebranti statim post illius celebrationem, & subscriptionem tradere debeat, retentis sibi dumtaxat duobus morapetinis, ex qualibet eleemosyna huiusmodi pro ejus labore, & si pro celebratione alicuius Missæ huiusmodi major eleemo-

sina summam duorum regalium excesserit, annotabitur,
& talis excessus fabricę applicari debeat.

TITULUS XIX. §. I.

De Domus Provisore, & Ministro.

Opsonatori verò, seu Domus Provisori tota ea pecunia, quæ pro necessariis sumptibus Domus ejusdem necessaria fuerit, tradatur, & ipse in fine cuiuslibet quadrimestris rationem reddere debeat, & circa infirmorum regimen, utque Minister ad hoc ab Abbaté, & Capitulo nominatus suo muneri correspondeat, diligentèr curam adhibebit.

TITULUS XX. §. I.

De Janitore, & Clausura.

Insuper media hora post serotinam orationem paulo plus vel minus, eiusdem Sacri Montis januæ claudantur à Janitore, & illarum claves custodiantur, illisque clausis, & obseratis nemini claves ad aperiendum tradat, & si necesse fuërit easdem aperiri, id cum Abbatis, sive Præsidentis licentia faciat, ipseque Abbas sive Præsidentis ante quàm cubitum se conferat cum ipso Janitore januas ipsas visitet, & claves observet, quas sequenti mane diluculo ipsi Janitori, ut fores adaperiat, tradet.

§. II.

PRæterea januis, seu foribus clausis, nulli nec Abbatibus, nec Canonorum, aut probationis hospitem, vel Collegialium, seu Capellanorum, aut cuiusvis aliorum Ministrorum liceat foras furtivè, vel occultè exire sub pœna privationis quartæ partis fructuum suæ Prebendæ, aut sui officii, vel Ministerii ipso iure absque alia declaratione incurrenda, & tamen transgressores pro modo culpæ aliis etiam gravioribus pœnis coerceri, & puniri possint.

§. III.

STatutum quoque, & inviolabiliter cautum sit, quod mulieres aliquæ etiam si alicuius ex Abbate, & Canonicis, seu cuiusvis alterius ipsius Sacri Montis personæ genitrices, vel sorores fuerint, sub pretextu cuiusvis necessitatis, aut ex quavis causa, vel ratione dictam domum, seu aliquam eius partem nequeant ingredi, nec ingrediantur, sub simili pœna absque alia declaratione incurrenda, pari modo per eum, qui illas ingredi fecerit aut consenserit, quodque hæc, & præcedens constitutio sub pœna fractionis iuramenti super observantia præsentium constitutionum præstandi observentur.

TITULUS XXI. §. I.

De Magistro cæremoniarum, & cæremoniis.

IN ipsa quoque Collegiata Ecclesia duo cæremoniarum Præfecti, seù Magistri esse debeant, quorum alter Canonicus, seù Capellanus á Capitulo, alter verò Capellanus ab Abbate nominentur. Primus tabellam officiorum Ecclesiæ, & Chori qualibet hebdomada faciet, seù scribet, & singulos de his quæ sibi ex officio peragenda erunt admonebit. Singulique illi, etiam si videatur in suo munere errare, ad excusandam Divinorum officiorum, quæ exinde sequi posset perturbationem, absque replicatione parere teneantur; absoluto verò divino officio, ut de cætero quid agendum sit perpendatur, admoneri poterit.

§. II.

ALter verò Magister cæremoniarum Capellanus apud Altare in Missis decantatis debeat assistere, & in Vesperis decantatis Presbytero sociari, ut quæ convenientia fuerint possit disponere.

§. III.

ABbas, Canonici, & Hospites probationis cappas nigras Canonicales, sed non sericas, curent tamen quod omnes sint similes, & conformes temporibus, quibus illis Ecclesia utitur, deferre sive gestare debeant.

§. IV.

QUando Abbas Missam majorem , seù decantatam celebraturus fuerit, duo Canonici, hebdomadarius scilicet Evangelij ministerium, Diaconi, postremus veró, seù modernior Subdiaconi, facere teneantur.

§. V.

NULLa alia Missa ad majus Altare celebrabitur, præter Primæ, & majorum, & piarum memoriarum perpetuarum, & temporalium per ipsosmet Canonicos, aut dictæ Ecclesiæ Granatensis Præbendatos, aut alias graves huiusce qualitatis personas, vel aliquam Communitatem fundatarum, nisi ipsi Abbati sive Præsidenti visum fuerit alicui gravi personæ licentiam concedere celebrandi.

§. VI.

IN ipsius Sacri Montis Ecclesia persona aliqua cujuscunque status, & conditionis sit sepeliri minime possit, ob reverentiam Corporum, & Reliquiarum gloriosorum Sanctorum, quæ illic sunt, præter Archiepiscopos Granatenses, si alicui in ea sepeliri placuerit, locus autem in ea conveniens pro Abbatis, & Canonico-
rum ipsius Sacri Montis sepultura designari debeat.

TITULUS XXII. §. I.

De Capellanis , & Subcantore

ERunt insuper in ipsa Collegiata Ecclesia sex Capellani per Abbatem, & Canonicos eligendi, qui apud ipsum Montem Sacrum continuo vivere atque residere teneantur, ut in titulis foundationis Ecclesiæ necnon electionis, & residentię expressum fuit; in eorum veró electione particularitèr animadvertendum erit, quod qui in ipsius Montis Collegio educati fuerint, cæteris paribus, aliis preferri debeant, ipsique sumptibus fabricæ dicti Sacri Montis apud illam residendo quoad esculentata, & poculenta sustentari debeant absque alio salario, nec vestuario, cujus loco distributionum in ipsarum distributionum titulo expressarum participes fiant, quos si infirmari contigerit sumptibus ejusdem fabricæ curari etiam debeant, quorum prædictorum sex Capellanorum loco poterunt Abbas, & Capitulum dictę Ecclesiæ per tres ex quatuor partibus, per vota secreta eligere Collegiales, qui ad titulum Collegij ordinari possint, sumptibus, & expensis dictæ fabricæ, quibus supradicti Capellani sustentandi erunt, in quorum electione erunt observandæ conditiones, & qualitates expressæ in titulo vigesimo tertio Collegialium constitutione septima.

§. II.

Capellaniæ etiam nullo unquam tempore collativæ, seù beneficia collativa, sed tantum servitia manutialia, & ipsi Capellani ad nutum amovibiles censeantur, & quândocumque ad Capituli beneplacitum, duabus ex tribus partibus in hoc concurrentibus, absque eo quod ipsum Capitulum causam nec rationem exclusionis, vel amotionis hujusmodi reddere, nec significare, teneantur, excludi, & amoveri possint, & in hoc casu resolutio sic capta quacunque apellatione, & alio quocunque recursu non obstante, executioni demandari debeat, & ut hoc cum majori quiete fieri queat, hæc constitutio cuilibet Capellano sic electo ante illius admissionem perlegi, & ipse illi consentire, illiusque consensus in libro Capitulari annotari, & ab eo subscribi debeat.

§. III.

Ipsi demum Capellani in Choro, & Altari inservire, & in Choro hujusmodi post Canonicos, & aprobationis hospites donec in eo sedes distinctè Superiores, & inferiores sint, tunc verò in sedibus inferioribus justa cuiuslibet præminentiam, servato antiquitatis ordine, sedere debeant, quos omnes præcedet Subcantor, seù Succentor, etiam si antiquior non sit.

§. IV.

Tempore quoque decantationis Divinorum officiorum in Choro semper canere, & ad falsistorium quoties

ties ad illud canendum erit, accedere, necnon Sacerdotem incensum, coram Altari, ut ipsius Ecclesiæ laudabilis est moris, daturum concomitari aliaque omnia, & singula officia, atque ministeria ab Abbate, & Capitulo injungenda omni submissione, seu obedientia, & præsertim etiam Diaconi, & Subdiaconi ministeria in celebratione Missarum majorum, & decantatarum quando eis ita ordinatum fuerit, subire teneantur.

§. V.

ERit etiam qui Succentoris officium exercere, quique cantus Chori Altaris, & processionum, ac alias in dicta Collegiata Ecclesia modulationem, seu moderamen, & regimen habere, & in cantu lectiones, & exercitium ordinare, ut in titulo exercitiorum expressum est, facere debeat, & stipendium sive salarium quod ei assignabitur percipiet, & si ex gremio Capellanorum fuerit, ab obligationibus aliorum Capellanorum à Capitulo, prout illi videbitur, & cum illo Conventum fuerit, relevari possit.

TITULUS XXIII. §. I.

De Collegialibus.

Collegiales præterea qui in ipso Sacro Monte juxta declarationem in foundationis ipsius Collegiatae Ecclesiæ titulo factam, pro tempore fuerint, in eo continuo

vivere, & apud illam residere, & quoad esculenta atque poculenta necessaria octodecim videlicet fabricæ, Reliqui verò ut in prædicto foundationis ejusdem Collegiatæ Ecclesiæ titulo expressum est, quando adfuerint mensæ Capitularis sumptibus sustentari, & ultra præmissa eorum singulis quolibet anno tria morapetinorum millia, ex annuis redditibus dictæ fabricæ sive mensæ capitularis respectivè assignari, & dari debeant, quæ una cum manualibus, & anniversariis, quorum ipsi participes fuerint Rectori ipsius Collegii tradenda erunt, ad hoc ut exinde eis ea quæ ad amictum magis necessaria quo cum decentia, & munditia incedere valeant, comparare possit, & ultra præmissa superpellicea, seu amictus linei, ut in Ecclesia, & Choro inservire queant, ex eisdem redditibus fabricæ, seu mensæ capitularis respectivè ipsis subministrari debeant.

§. II.

Ipsi quoque Collegiales Sacerdotibus Missas in præfata Collegiata Ecclesia submissa voce celebrantibus ministrare, ac in Choro Divinis officiis assistere, atque in eo cantare aliaque ministeria eis injungenda, prout in particularibus dicti Collegij constitutionibus dispositum est, facere seque semper, & quodcumque ad Abbatis, & Capituli mandata promptos, & paratos exhibere, illis que in omnibus, quæ sibi injuncta fuerint parere teneantur.

Et

§. III.

ET pro Collegij, & Collegialium regimine, seù gubernio annis singulis unus ex Canonicis, qui sit illius Rector, ut in titulo officiorum dictum est, nominari debeat, qui hoc regimen, & Collegialium correctionem, necnon executionem vel observantiam particularium constitutionum ipsius Collegij eiusque studiorum suscipere teneatur.

§. IV.

CAutum præterea sit ne Abbati, & Canonicis, aut cuilibet alteri ipsius Sacri Montis personæ aliquis ex Collegialibus hujusmodi particulariter inserviat, & si Abbas, aut quispiam Canonicus ad dictam Civitatem Granatensem pro celebratione Missæ cantatæ se contulerit ipsis Collegialibus eis ministrare non liceat.

§. V.

IPsi etiam Collegiales prævio examine ab Abbate, & Rectore, & tribus examinadoribus á Capitulo nominatis, & postquam in ipso examine in grammatica, & latinitate probe instructi, & habiles ad ceteras eminentiores artes, sive Theologiam audiendam comperti fuerint, & non alias, prout in dicti Collegij constitutionibus fertur, recipi debeant.

§. VI.

HAbebunt lectionem ordinariam Artium, & Theologiæ eis in ipso Sacro Monte legendam per per-

personas ad id ab ipso Capitulo nominatas juxta studiorum suorum ordinem illis á Capitulo præscribendum, & dum in dicto Sacro Monte non fuerit commoditas, seu occasio Magistrorum, seu personarum, & cæterarum rerum ad legendam, seu docendam Theologiam, dicti Collegiales qui postquam in dicto Sacro Monte artibus studuerint, examinati habiles, & suficientes ad Theologiam audiendam fuerint reperti, poterunt de licentia Abbatis, & Capituli in Collegio Purissimæ Conceptionis Beatæ Mariæ Hispalensi, aut in alio arbitrio Capituli illam audire, & studere, non tamen sumptibus Sacri Montis, quo tempore dicti Collegiales nullas distributiones lucri facient, sed in reliquis, & ad ordines suscipiendos ad titulum Collegij iuxta constitutionem septimam huius tituli veri Collegiales remaneant, poterit Abbas, & Capitulum tempore vacationum, prout in Communitate locus, & commoditas fuerit, licentiam concedere Collegialibus, ut ad dictum Sacrum Montem possint accedere, & in illo per duos menses in æstate seu verè commorari quolibet anno in quibus in supradicta forma absentiam fecerint, quibus duobus mensibus salarium accipere minimè possint.

§. VII.

ET quia per Paulum Prædecessorem, & Sedem Apostolicam huiusmodi concessum est, quod ipsi Collegiales sub Collegiali titulo etiam si nullum alium habeant

beant titulum; ut infra in titulo privilegiorum expressum est, ad Sacros Ordines promoveri possint, pro felici, & bona indulti huiusmodi executione dictus Petrus Archiepiscopus Provisum esse voluerat, quod ipsi Collegiales ad eosdem Sacros ordines non nisi post suorum Artium, & Theologiæ studiorum consumationem promoveri queant, quodque absoluto ab eis Theologiæ studio ab ipsis Abbate, & Rectore Collegij, ac aliis tribus Canonicis examinadoribus á Capitulo nominatis examinentur, & qui á maiori eorum parte approbati fuerint in Capitulo proponuntur, in quo eorum sufficientiæ, aliarumque qualitatum, ut ad Sacrum ordinem admittantur, relatio fiet, & facta propositione Capitulum illos per vota secreta admittet vel reprobabit, & resolutioni á tribus, ex quatuor partibus captæ stari debeat, in eorum verò admissione, vel reprobatione non solum ad scientiam, sed præcipuè ad virtutum, inclinationes capacitatem, spem, & inditia, ex quibus concipi possit eos ad Capellaniás, aut alias eiusdem Sacri Montis Præbendas consequendas quod quidem fundamentum, seu scopus eorum educationis est, aptos fore, attendi debeat, quique sic approbati atque admissi in eodem Collegio retineri, cæteri verò qui reprobatifuerint dimitti, & alii de novo retentorum, atque dimissorum loco in Collegiales qui huiusmodi studiis incumbant, admitti, & subrogari debeant: & ex his approbatis Capitulum concurrentibus tribus, ex quatuor par-

tibus, eos eligat, qui sacris erunt initiandi, habita consideratione, ad eos qui in ipso Sacro Monte sustentari poterunt, & ad Capellanorum numerum, qui tunc fuerit, ita ut sic sacris initiatorum numerus, duodenarium non excedat, nisi tamen redditus ad sustentationem majoris numeri satis sint. Et qui ita egregius, & eminens existat, ut Capitulum eum nemine discrepante, ad titulum Collegii ordinandum, supra numerum duodenarium huiusmodi eligendum duxerit.

§. VIII.

UTque quis ex Collegialibus ad titulum Collegij servata indulti Apostolici huiusmodi forma sacris initiari valeat, contractus hinc inde iuratus inter Capitulum, & sic promovendum iniri debeat; quo Capitulum se erga eum pro illius sustentatione, in ipso Collegio juxta modum, & formam, qua prius apud illud residendo, nec alias, & donec, vel Canonicatum, & Præbendam ejusdem Sacri Montis, vel aliud Beneficium Ecclesiasticum, aut pensionem, sive patrimonium, ex quo congruè sustentari possit, assecutus fuerit, seu alias acquisiverit, & de eo absque iuxta causa ab Ordinario Granatensi pro tempore existente approbanda, non excludendo, & versa vice ipse se erga Capitulum de non discedendo ab ipso Collegio, & ejusdem Sacri Montis servitio, donec aliunde habuerit, unde congruè, ut præfer-

fertur sustentari possit, & de non petendo ab eodem Sacro Monte quicquam pro eius sustentatione, si ab eo voluerit discedere, vel alio casu ab eodem Ordinario Granatensi, ut præfertur approbando, exclusus fuerit, obligare respectivé teneatur.

§. IX.

STatim etiam quo quisque Collegialis in Sacro Presbyteratus ordine constitutus extiterit ipse officio Capellani in Ecclesia eiusdem Sacri Montis ad instar aliorum eiusdem Collegiatae Ecclesiae Capellanorum iuxta presentium Constitutionum dispositionem fungi teneatur, & ea ratione manualibus, memoriis, atque anniversariis quibus ceteri Capellani gaudent, gaudere debeat, distributionum tamen particeps non sit.

§. X.

Quique sic Sacro ordine initiati fuerint in eodem Collegio, ut prius absque alteratione vel mutatione vitæ seu statutorum Collegialium remanere, ac in Choro, & Altari aliisque ministerijs, præterquam tabularum, seu mensarum, & aliarum rerum, & actionum Abbatis arbitrio, habita tamen consideratione ad ordinem quo initiati fuerint, inservire teneantur, pristinumque locum retinere debeant, nec sedem in Choro habeant, statim veró quo Sacerdotes fuerint, eis cella, seu Camera extra Collegium in domo dictæ Collegiatae Eccle-

clesiæ assignari debeat, tuncque etiam in Refectorio Canonorum, & Capellanorum, in quo etiam in Choro immediate post Capellanos, servata antiquitatis inter se præeminentia, sedem habebunt, donec in Capellanos admissi fuerint, quo casu cum eis etiam privilegium antiquitatis acquirant.

TITULUS XXIV. §. I.

De Capitulo.

Capitulum quoque in loco deputato semel singulo quoque mense primo die non festivo, & ulterius quoties pro occurrentibus negotiis, quæ expeditionis brevitate requirant, expediens fuerit, congregari iussu Abbatis, vel eo absente Præsidentis, pridie intimari debeat, nisi negotio ita urgente ad sequentem diem differri queat, hora per Abbatem, vel Præsidentem designanda, dummodo non sit tempore quo horæ recitantur, & Missa maior celebratur, & in primo capitulo cuiuslibet mensis de ceremoniis in Ecclesia, & Choro servandis, de relaxatione si aliqua fuerit circa observantiam constitutionum morumque laudabilium, ac de maiori bono, & augmento divini cultus in primo loco agendum, & tractandum sit.

§. II.

IN Capitulo ipse Abbas, vel eo absente Præsides, utroque eorum absente, antiquior Canonicus præsidebit cum

cum postetate proponendi negotium in ipso Capitulo tractandum, & resolvendi, quod á maiori parte, aut in casibus in his constitutionibus expressis á duabus, vel tribus partibus comprobatum fuerit, & etiam ipsum Capitulum dissolvendi, ita tamen quod si negotium propositum, & inceptum resolutum non fuerit, ipsum Capitulum non nisi de voto maioris partis illius dissolvi possit, & si quispiam ex Canonicis aliquod negotium proponere voluerit, id de mandato Abbatis, seu Præsidentis licentia, qui illud tractari jubeat facere possit, & juxta illud, quod expedierit resolvi debeat.

§. III.

Solique Canonici in Sacris constituti in Capitulo præsentibus, & non alii in eo votum habeant, & in votorum paritate ea pars cui votum Abbatis, vel eo absente Præsidentis adhærebit, prævaleat, sed in electionibus, quod in titulo electionis hujusmodi decretum est observari debeat.

§. IV.

ET si de negotio Abbatis, vel alicuius Canonici, aut illorum consanguinei, vel affinis intra quartum gradum sive familiaris, aut alumni tractandum erit, eo casu ipse Abbas, vel Canonicus, cuius interest egredi teneatur.

OMnes in ipso Capitulo sedere, & secundum ordinem cuiusque antiquitatis, antiquiore inchoante sua vota seu suffragia dare debeant, ac Abbas, vel Præsidentis primus, vel postremus, prout sibi videbitur votum sive suffragium suum dabit, eique qui votum suum dedit non nisi votis ab omnibus aliis datis denuo loqui liceat, postquam veró omnes sua vota dederint, liceat singulis ea quæ sibi occurrerint, gradatim eodem antiquitatis ordine servato, quod intelligi debet de negotiis, pro quibus vota publicè dantur, in negotiis veró, pro quibus secreto vota feruntur, voto semel dato, ipsoque negotio ex pluralitate votorum resoluta, nulli replicare fas sit, in his tamen quæ per vota, seu suffragia secreta tractanda erunt, Abbati, & Canonicis eodem ordine servato ante votorum exquisitionem liceat ea quæ sibi animadversione digna occurrerint proponere, & si quis post hæc aliquid replicandum duxerit, id prævia Abbatis, vel Præsidentis licentia, nullo alio antiquiore replicare quærente, sibi concedatur, & hæc omnia cum omni modestia, atque prudentia, & absque altercatione, strepitu, & rumore fieri debeant. Abbati, sive Præsidenti ad ejus libitum finem similibus conferentiis imponere liceat.

IN casibus per præsentis constitutiones designatis per vota secreta, & aliis Capitulo benevisis si pro majori

ri parte resolutum fuerit procedi debeat; & in ipso Capitulo negotia administrationem bonorum concernentia, & ea quæ á Congregatione Assistentium, atque Administratorum ad Capitulum recursum habuerint, electiones etiam ad Præbendas, Officia, Capellanas, & Collegiaturas, cæteraque alia, quæ ex dispositione præsentium Constitutionum in ipso Capitulo veniunt tractanda, tractari debeant, reliqua veró per solùm Abbatem, vel Præsidentem, in consultationibus juxta formam earundem præsentium constitutionum absque eo quod Capitulum in illis sese intromittere valeat, tractari possint, & in quolibet Capitulo actus Capitularis præcedens, & commissiones nondum executę legi debeant.

§. VII.

AC omnia quæ in ipso Capitulo tractata fuerint sub pœna fractionis juramenti ab eis super observantia præsentium constitutionum præstiti, ab omnibus, qui Capitulo interfuerint, abdita retineri debeant.

TITULUS XXV. §. I.

De regimine Domus.

INsuper Abbas, Canonici, & Capellani sumptibus Sacri Montis huiusmodi, ut dictum est, sustentandi erunt, omnesque insimul in refectorio, Abbas scilicet, & Præsident, in locis dignioribus, & successivè Canonici, & deinde Capellani quilibet secundum suæ antiquitatis

ordinem discumbentes, & á Dominica Resurrectionis Dominicæ usque ad diem festivitatis Dedicationis Sancti Michaelis hora decima cum dimidia ante meridiem prandere, & hora octava de sero cœnare, & pro residuo anni tempore hora undecima ante meridiem, de serò autem hora octava cum dimidia cœnare debeant. Tamen si ex aliqua rationabili causa horæ huiusmodi immutandæ fuerint, id Abbatis, sivè Præsidentis iudicio fieri poterit.

§. II.

AC durante prandio, & cœna lectio Sacræ Bibliæ, aut alterius libri spiritualis Abbati benevisi per unum ex Collegialibus haberi, & alius sivè alij si opus fuerit in mensa ministrare teneantur.

§. III.

ET temporibus quibus carnibus vesci licet Abbati, Canonicis, & Capellanis in prandio unus arbitrio Abbatis conditarum, & alter carniū decoctarum, seu elixarum, non tamen volatiliū, præterquam ex causa infirmitatis; in cœna verò unus carniū conditarum discus, seu patina, & in principio, & in fine prandij, atque cœnæ aliqui fructus arbitrio Abbatis, panis autem, & vini, quod necessarium fuerit; aliis verò temporibus, quibus esus carniū est prohibitus, quatuor fercula, seu patinæ in ipso prandio præter fructus qui

in principio, & in fine juxta Abbatis ordinationem apponendi erunt; in cœna autem unum tantum ferculum diebus quibus non jeiunatur, & festivis diebus Abbati, & Capitulo benevisis in prandio unum aliud sive duo alia fercula obsonii pro extraordinario Abbati benevisi subministrari debeant.

§. IV.

Nulli etiam Canonicorum, vel Capellanorum liceat quempiam ad prandium, vel cœnam in refectorio, aut etiam in privata eius mansione absque particulari Abbatis, vel eo absente Præsidentis licentia invitare, nec etiam in eisdem refectorio, & mansione sumptibus Sacri Montis absque simili licentia raro, & non nisi ex causa gratificationis eiusdem Sacri Montis, aut alia digna ratione, & iusto respectu concedenda, nec cuiquam sua portio extra refectorium commune dari, aut in culina aliquid particulare etiam proprium sine ipsius Abbatis licentia, non nisi ex necessaria causa concedenda, apparare liceat.

§. V.

Quicquid pro Refectorii, & culinæ, cæterarumque domus officinarum servitio necessarium fuerit, sumptibus mensæ capitularis emi debeat, eisdem sumptibus famuli quicumque pro eodem servitio necessarii sustentandi erunt, & ipsorum salaria solvenda sine ulla distinctione, etiam si pro Capellanorum, vel Collegia-

lium , aut aliorum Ministrorum sumptibus fabricæ sustentandorum , cui solummodo sustentationis hujusmodi expensas imponi debeat , nec quicquam aliud necessarium pro illius dispositione, vel servitio, aut manducatione.

§. VI.

LIceat demum Capitulo semel vel bis in anno tempore eis beneviso animos relaxare extra ipsum Sacrum Montem una cum convenienti Capellanorum , & Collegialium numero dummodo saltem medietas residentium apud illum pro illius servitio remaneat: Ita tamen quod ipsæ animi relaxationes, seu recreationes pro quolibet vice ultra quindecim dies non durent, ex quibus octo cuilibet medietati Capituli , & aliorum Ministrorum concessi intelligantur, & ipsę relaxationes tempore non occupato desumantur, in hisque recreationibus ferula extraordinaria superius in constitutione tertia expressa concedi possint, proviso quod ipsi cum omni honestate , & modestia insimul recreari debeant, respiciendo quod hisce recreationibus ad eum finem utantur, ut postea cum maiori fervore , & alacritate ad sua spiritualia exercitia redeant , quod quidem in hisce recreationibus corrumpi non debet.

TITULUS XXVI. §. I.

De Archivio.

INsuper in ipso Monte Sacro , & loco ipsi Capitulo beneviso adsit Archivium duabus differentibus clavis clausum, quarum Abbas, seu Præsident unam, Secretarius veró Capituli alteram tenebit; in eodem verò Archivio erunt duæ divisiones , & in una , quæ aliis etiam seris , seu clavis duabus differentibus obserata, seu munita existat , quarum similiter Abbas unam , & Thesaurarius alteram claves habeant, erunt universæ laminæ cupreæ trium librorum fundamenti nempe Ecclesiæ , ac de essentia Dei , & illius historiæ, quos dictus Petrus Archiepiscopus in ere cupro per incisionem inscribi, seu sculpi curabit cum eisdemmet Salomonis characteribus Arabicis, prout in ipsis originalibus habentur, observari, & custodiri debeant. Item quicquid ex tribus eisdem libris in charta , vel papyro impressum , vel excussum fuit. Præterea transumpta Arabica manuscripta omnium eiusdem Sacri Montis librorum , translationes quoque , atque declarationes librorum eorumdem , processus itidem originalis super qualificatione reliquiarum eiusdem Sacri Montis ; volumen præterea magnum involutum in quo pleraque sunt ad huiusmodi Reliquias pertinentia, in cuius principio inventarium in eo contentorum habetur , necnon fasciculus scrip-

scripturarum ad easdemmet Reliquias , & libros , qui in ipso Sacro Monte reperti fuerunt , & denique scripturæ foundationis ipsius Collegiatae Ecclesiae , ac litteræ Apostolicæ erectionis eiusdem in Collegiatam , & liber constitutionum illius originalium , & illic omnia supradicta observentur , & custodiantur.

§. II.

IN altera autem Archivii huiusmodi parte , seu divisione omnes laminæ in cupro apertæ sive sculptæ laminarum Sanctorum Cecilij , Hiscij , Thesiphonis , & Mesitonis , necnon descriptionum Montis , illiusque Cavernarum , seu Cryptarum , ac sigillorum , lapidum quoque in quibus libri reperti fuerunt , tegmentorum quoque librorum de Essentia Dei , nec non fundamenti Ecclesiae , cæteraque alia , quæ ipse Petrus Archiepiscopus ex ere seu cupro confici etiam curavit , Prothocollum itidem sive liber vicissitudinarius , seu qui del Becerro vulgo vocatur , in quo bonorum omnium stabilium eiusdem Ecclesiae Collegiatae illorumque actionum , & jurium ratio descripta est. Universi quoque tituli , & scripturæ bonorum eorundem , bonorumque illius moviliū Inventaria litterarum Apostolicarum , & foundationis præfatæ Collegiatae Ecclesiae , necnon alterum constitutionum prædictarum , transumpta authentica , aliæque alicuius momenti scripturæ utpotè executoriae provisiones Regiæ , litteræ
quæ-

quæcumque Apostolicæ etiam per Breve expeditæ, transactiones , ac etiam puritatis originariæ informationes, aliaque similia servari , & custodiri debeant , reliquæ verò scripturæ affictuum, seu locationum, computorum, vel rationum, & rerum similium ad rei computatoriæ absolutionem , seu expeditionem spectantes, in ea sub computatorum custodia , & clavibus conserventur.

§. III.

IN eodem insuper Archivio unus liber habendus sit in quo per inventarium universæ scripturæ in eo nunc , & pro tempore existentes describi debeant , & alter in quo Secretarius Capituli scripturarum exinde pro tempore extrahendarum notam, sive memoriam suæ nempe diei , mensis , & anni Datæ roboratam , & manu personæ extrahentis subscriptam vel firmatam sumere teneatur ; & si Capitulo pro potiori custodia , & securitate scripturarum huiusmodi aliud archivium, in quo earum transumpta , aut duplicata asservari possint , habere visum fuerit , eis illo uti liceat.

TITULUS XXVII. §. I.

De Privilegiis.

CUmque idem Paulus prædecessor in litteris Apostolicis erectionis dictæ Collegiatæ Ecclesiæ superius

relatis ejusdem Petri Archiepiscopi supplicationibus , & precibus inclinatus eidem Sacro Monti subsequencia privilegia concessisset.

§. II.

QUOD scilicet Abbas , & Canonici , cæterique ejusdem Sacri Montis Ministri , qui ad confessiones audiendas , & Sacramentorum administrationem ab Archiepiscopo Granatensi pro tempore approbati forent easdem confessiones audire , ac Sanctissimum Eucharistiæ Sacramentum omnibus Christi fidelibus ad Sacrum Montem præfatum devotionis causa confluentibus administrare valerent.

§. III.

ET ipsi Abbas videlicet , Canonici , Capellani , Collegiales , & cæteri Ministri dicti Sacri Montis , mediante sacramentali confessione , & ejusdem Sanctissimi Eucharistiæ Sacramenti in ipso Sacro Monte susceptione præcepto Ecclesiæ etiam in festo Resurrectionis Dominicæ satisfecisse censerentur.

§. IV.

Eisque etiam in ipso Sacro Monte Sacrosanctum oleum pro infirmis universæ illius familiæ aservare.

Et

§. V.

ET eorum omnium pro tempore decedentium cadavera in eodem Sacro Monte , & loco ad id designato sepeliri possent.

§. VI.

ET ipsi á jure Parrochiali immunes , & liberi essent.

§. VII.

NEc etiam ad quascumque processiones particulares , vel generales in dicta Civitate Granatensi celebrandas accedere , aut illis interesse tenerentur.

§. VIII.

Quodque ipse Petrus Archiepiscopus plenam , & liberam dicti Sacri Montis, illiusque bonorum administrationem, totalemque jurisdictionem, ac merum, & mixtum imperium spirituale* in omnes ipsius * Sacri Montis personas quoadvixerit haberet.

§. IX.

ET eo decedente Abbas , & Capitulum prædicti similem plenam , & liberam ejusdem Sacri Montis bonorum, & illius fabricæ administrationem etiam haberent. Absque eo quod pro tempore existens Archiepiscopus Granatensis, se in illa , & Capitulum dictæ Ecclesiæ Granatensis Sede-Archiepiscopali vacante in regimine personarum , & bonorum, ac cujusvis alterius rei
eius-

ejusdem Sacri Montis, vel etiam in provisione illius præbendarum ullo modo intromittere possent.

§. X.

AC Abbatia necnon Canonicatus, & Præbendę dictæ Collegiatæ Ecclesię sub quibuscumque reservationibus specialibus, vel generalibus hactenus per eandem Sedem Apostolicam factis, & in posterum faciendis ullatenus comprehenderentur.

§. XI.

ET quod liceret eidem Petro Archiepiscopo ejus vita durante eorundem Sanctorum Martyrum Reliquias, & libros sibi divina clementia in dicto Sacro Monte manifestata, & revelata penes se, vel sub ejus custodia tenere, ita tamen quod eo defuncto in eodem Sacro Monte perpetuo, absque eo quod quævis persona cujusvis qualitatis, Reliquias, seu libros aut quamvis illarum seu illorum partem inde ex quavis causa extrahere, aut amovere posset.

§. XII.

QUodque ipsa Collegiata Ecclesia in suæ foundationis statu, prout erat, & foret fundata perpetuo conservaretur, & manuteneretur, absque eo quod ullo unquam tempore Archiepiscopus, nec Sede Archiepiscopali Granatensi vacante illius Capitulum illum valeret immutare, alterare, vel alias donare, aut concedere, nec de eo disponere ullo alio modo, aut forma.

Ip-

§. XIII.

Ipsaque Collegiata Ecclesia, & illius personæ omnibus, & singulis privilegiis facultatibus libertatibus, immunitatibus, exemptionibus, præeminentiis, prælationibus, concessionibus, indultis, favoribus, & gratiis spiritualibus, & temporalibus aliis similibus Collegiatis Ecclesiis Hispaniarum insignibus, earumque Abbatibus, Canonicis, aliisque Ministris, & personis, necnon Christi fidelibus illas visitantibus etiam omnia, & singula præmissa eisdem Ecclesiis per viam concessionis, vel communicationis, ac quibus eadem Ecclesiæ utebantur, & gaudebant, vel de jure, privilegio, vel consuetudine uti & gaudere poterant, uti, & gaudere possent, concesserit. Et ut dictus Sacer Mons hujusmodi concessione uti, & frui posset exhortabatur, & ordinabatur per dictum Petrum Archiepiscopum quod Abbas, & Capitulum diligenti cura, atque diligentia, transumpta, & testimonia authentica privilegiorumque, & aliorum superius expressorum aliarum Ecclesiarum Collegiatarum Hispaniæ Regnorum colligere, & extrahere, eaque in Archivio ipsius Sacri Montis collocare studeant, illorumque inventarium, seu Cathalogum, ut exinde quicquid ad id pertinet, & quibus privilegiis illæ, earumque personæ gaudere possunt, certo sciant.

§. XIV.

Cumque insuper idem Paulus prædecessor per quasdam litteras Apostolicas desuper per Breve sub annulo Piscatoris de anno Domini millesimo sexcentesimo decimo septimo, expeditas, Collegialibus ejusdem Sacri Montis concessisset, ut ad omnes Sacros, etiam Presbyteratus ordines, ad titulum Collegii etiam si nihil aliud possiderent, modo quo supra in titulo vigesimo tertio, Collegialium septima, & octava constitutionibus expressum est, promoveri possent.

§. XV.

Necnon per alias litteras similes dilectos filios Magistrum Aloysium Gallo in utraque Signatura nostra tunc sua Referendarium, necnon Malacitani, & Gadicensi Officiales pro tempore existentes in Judices conservatores deputaverit, ad quorum quemlibet, casu quo quælibet persona quidquam contra eundem Sacrum Montem in illius privilegiorum, & concessionum præjudicium alterare præsumeret, in quibuscunque casibus recursus habendus esset.

§. XVI.

Et ulterius præfatæ erectionis litterarum prædictarum tenore, ut Abbas, & Canonici in Choro cappas nigras temporibus quibus Ecclesia illis utitur gestare possent.

§. XVII.

ET quod Abbas etiamsi Canonicus non esset, vocem in Capitulo haberet, & in paritate votorum ejus votum majorem partem faceret, necnon Canonicatus, & Præbendæ dictæ Collegiatæ Ecclesiæ in Februarii, Aprilis, Junii, Augusti, Octobris, & Decembris mensibus pro tempore vacantes, post ipsius tamen Petri Archiepiscopi obitum, personis idoneis conferre posset concessisset, & indulgisset.

§. XVIII.

Idem Petrus Archiepiscopus hortabatur, & monebat Abbatem, & Canonicos ut beneficium eis á Sede Apostolica præfata in concessione gratiarum, & Privilegiorum hujusmodi gratiosè attributum gratum habentes, & magnificientes, ac eisdem gratiis, & privilegiis utentes, & gaudentes, non illa per negligenciam obliterari seu amitti paterentur.

TITULUS XXVIII. §. I.

De Vita, & honestatē personarum Sacri Montis.

QUodque ut Abbas, & Canonici, aliæque ejusdem Sacri Montis personæ Sanctorum Martyrum quos observant atque colunt vestigia sectantes, atque imitantes in eorum officio, & ministerio iuxta ejusdem Petri Archiepiscopi intentionem succedentes, ita vivant, & procedant ut eorum exemplari vita alios ad perfectionis
viam

viam commoverent, & invitarent, & in omnibus suis tam secretis quam publicis actionibus, suis se officiis conformes redderent, ac prædicatione virtutumque, & proborum morum, documentis, quod eorum principale institutum esse debeat, correspondeant, idem Petrus Archiepiscopus eos per Sacratissimam Domini nostri Jesu Christi Passionem, & mortem, necnon eorundem Sanctorum Martyrum etiam exhortabatur, & monebat, ut totum eorum studium in vita morumque moderatione, ac in reformandis, & corrigendis eorum inclinationibus maximè niterentur conformando se in omnibus vitæ evangelicæ, religiosæ, & Christianæ singulique ita se haberent, ut in eorum vita, & moribus esset quod imitandum veniret, eisque præsertim commissum, & mandatum esse voverat ut summa cum modestia, & honestate procedant, & à quibuscunque contrariis conversationibus, visitationibus, amicitiiis, & consuetudinibus caverent, easque statim quo ab Abbate moniti fuissent dimitterent, ipseque Abbas eos ad id sub pœnis sibi benevisis obligare posset.

§. II.

NULLI insuper ex supradictis personis liceat vestes sericas, nec cujusvis coloris tam interius, quam exterius vel cuiuscunque generis arma etiam extra dictum Montem Sacrum, nec etiam iter agendo gestare, quod si Abbas quempiam similibus instructum adnoverit

illis eum privet, & alicui pauperi donet, illumque præterea poena sibi benevisa mulctet.

§. III.

NEc illis etiam intus neque extra Montem Sacrum huiusmodi liceat folijs lusorijs de re quacunque quantumvis minima, neque etiam in recreationibus, nec quovis etiam alio ludo absque Abbatis licentia, ac in tempore & loco, ac cum personis Ecclesiasticis ab eo designandis, ludere liceat.

§. IV.

NEfas quoque sit cuiquam annulos, odores, chirotecas, aut calceos super incisos, nec etiam pileos ornatos, sed tantummodo funiculo sericeo, vel etiam fascicula sericea circumdatos, nec etiam superpellicea lintheola, aut sudaria reticulata, vel acu picta gestare, & siquis eorum aliqua habuerit Abbas illud ei auferat, & pauperibus dispenset, & aliis etiam sibi benevisis poenis afficiat.

§. V.

Singuli Presbyteri Missam ferè semper legitima cessante causa celebrare teneantur, & Abbas eum qui notabiliter absque legitima causa celebrationem omiserit arbitrio suo corrigat; Missamque ipsam debita quiete, & devotione celebrent ad unguem ritu Romano, in quo apprime instructi sint, quod & Abbas maxime curet.

§. VI.

Capillum etiam æqualiter & sine ulla differentia tonsum & depressum capite, barbamque brevem & æqualem, tonsuram quoque clericalem pro sui cuiusque ordinis qualitate eformatam gerere, ipse Petrus Archiepiscopus iusserat.

§. VII.

ET si Abbas cuicumque de ipso Sacro Monte egredienti socium dederit, is ab ipso egrediente admitti, & eum secum donec ad dictum Sacrum Montem redierit, retinere teneatur.

§. VIII.

Dictus quoque Petrus Archiepiscopus cautum esse voluerat nequævis mulier in ipso Sacro Monte in quocunque ministerio inservire queat, neque Abbati & Canonicis, aut cuius alij eiusdem Sacri Montis personæ liceat particularem aliquem famulum vel mulam habere, cum sumptibus ipsius Sacri Montis, omnibus, & singulis famulatum seu servitium necessarium domi forisque sit subministrandum.

§. IX.

ET ne etiam cuilibet ex personis dicti Sacri Montis liceat onus, & curam cuiusvis alienæ litis Eccle-

clesiasticæ, vel secularis, aut diligentiam aliquam circa eam, etiam si cuiusvis personæ coniunctissimæ adhibere, & si proprias lites sustinuerint, easdem proseguendas quantum fieri poterit personis quę illas ita sollicitent, quod ipsi per plateas & Audientias, vel officia Tabellionum vel Notariorum discurrere non videantur, & si circa propriam litium huiusmodi sollicitationem aliqua personalis diligentia adhibenda fuerit, id cum Abbatis licentia fieri debeat.

§. X.

VOluerat denique idem Petrus Archiepiscopus Abbatem & Canonicos plenam pacem atque amicitiam intersese fovere, nec inter eos odium vel dissimulatam locum habere, & si odium vel simulas, aut differentia aliqua intercesserit, illa antequam in Chorum ingredi possint componi, & conciliationem inter eos fieri, nec antea in ipso Choro ab Abbate vel Præsidente qui eos ad mutuam conciliationem pœnis sibi benevisis compellere possit, admitti debeant, & si ipsa differentia ultra triduum duraverit, & adhibitis diligentijs nihil effectum fuerit, Capitulum efficaciora remedia etiam per personarum strictam coarctationem, aut etiam per sustentationis seu partis illius donec ad debitam compositionem deventum fuerit, detractiones adhibere possit.

TITULUS XXIX. §. I.

De Pœnis.

Cumque in his constitutionibus provisum sit suis distinctis locis quibus pœnis & à quibus, & quomodo plectendi sive coercendi veniant qui circa materias ibi tractatas excesserint, idque observari debeat, & quia graviora delicta graviolem quoque animadversionem, & punitionem requirunt, idcirco dictus Petrus Archiepiscopus statuto cautum esse voluerat, quod si Abbas dictæ Collegiæ Ecclesiæ aliquod delictum commiserit exemplarem punitionem seu correctionem requirens, idque donec visitationis tempus advenerit differre non conveniat, si ita Capitulo visum fuerit, aliquam personam quæ Archiepiscopum Granatensem pro tempore existentem de eo certiore reddat, nominare, & ipse Archiepiscopus Granatensis inquisita veritate summarie & sine strepitu, & figura iudicij quoad fieri poterit procedendo, eum prout sibi expediens videbitur corrigere, aut castigare debeat, appellatione quacunque remota etiam si usque ad privationem Abbatie procedendum sit, ipseque Abbas sub pœna infrascripti iuramenti per eum super observantia harum Constitutionum parere teneatur.

§. II.

Verumtamen si ipse Abbas suarum obligationum immemor aliquod scandalum aut malum exemplum,

plum, quod tamen pro gravi delicto imputari non possit, commiserit, Capitulum duobus Assistentibus iniungat, ut illum ex ipsius Capituli parte moneant, & si huiusmodi diligentia nihil profuerit, iterum commoneri debeat, & si secunda monitio huiusmodi etiam inanis fuerit, & res ipsa iudicio Capituli emendatione digna fuerit, Capitulum eo casu aliquam personam nominet, quæ ex eiusdem Capituli parte Archiepiscopo Grana- tensi pro tempore existenti referat, ad hoc ut illum cor- rigat, ipseque Abbas prædicti Archiepiscopi mandatis sub pœna infractionis iuramenti parere teneatur.

§. III.

ET si aliquis Canonicus, aut alius dicti Montis Mi- nister aliquod delictum scandalosum commiserit, vel ita incorrigibilis extiterit quod ad illius emendatio- nem Abbatis correctiones & pœnæ illi ex officio, & in vim suarum facultatum superius expressarum impositæ, satis non fuerint, Capitulum ad providendum desuper de efficaciori remedio congregari debeat, & si mitiores punitiones satis non fuerint, poterit contra eandem per- sonam usque ad illius exclusionem ab ipso Sacro Monte, & privationem Canonatus, & Prævendæ procedere, con- currentibus ad hanc sententiam tribus, ex quatuor par- tibus Capituli, vocatisque ad hoc Canonicis absentibus, & intra decem leucas existentibus, & illis per quatuor

dies expectatis , ac in hoc & in aliis casibus in quibus expedierit, Capitulum vel Abbas in casibus ad eum spectantibus reum corrigere , eumque carceratum , vel reclusum sub arctatione , & custodia sibi benevisa , tam pro securitate personæ , quam pro ejus correctione retinere poterit, ac etiam sustentationem , aut partem illius ad ipsius correctionem benevisam detrahere , reusque ipse correctioni hujusmodi parendo, illam cum tota humilitate in recognitionem suæ culpæ absque appellationis remedio vel alio recursum ad quemcunque superiorem sub pœna infrascripti super observantia præsentium Constitutionum præstiti iuramenti, tolerare, & obedire teneatur.

§. IV.

UTque inter ipsius Sacri Montis personas præfatas pax atque unio conserventur , litesque , & contentiones presertim extra Montem Sacrum huiusmodi evitentur idem Petrus Archiepiscopus ne cuilibet ex personis huiusmodi liceat quamcumque aliam eiusdem Sacri Montis personam occasione cuiusvis gravaminis , contumeliæ , aut iniuriæ etiam propriæ etiam in quacumque civili , vel criminali causa coram Archiepiscopo Granatensi pro tempore existente, vel in alio quocumque Tribunali deferre , aut accusare , sed eius causam in ipso Capitulo tantum proponere qui percepta rei veritate differentiam componere , & ut gravato satisfaciat curare

edit, de-

debeat, & si id mediis adhibitis obtineri nequeat, personam, quæ ipsius Capituli nomine causam prædicto Archiepiscopo Granatensi proponat, deputavit, qui de super via iuris prout sibi expediens visum fuerit provideat, ipsique gravati sub pœna infractionis iuramenti per eos super observantia presentium constitutionum præstiti, & etiam alii ab eodem Archiepiscopo Granatensi correcti pareant, cautum esse voluerat.

TITULUS XXX. §. I.

De curatione infirmorum, & funeralibus.

DEmum si aliqua eiusdem Sacri Montis persona infirmitatem inciderit, ipsa in ipsius mansionem debita diligentia, & solitudine curari sibi que de Medico, medicinis, medicamentis, cibis, aliisque rebus ad illius curam, & consolationem necessariis provideri, personæque, vel personæ quæ illi assistant, & serviant iuxta infirmitatis qualitatem destinari debeant, & in hoc Abbas particularem admodum sollicitudinem adhibere teneatur.

§. II.

ET si infirmitas periculoso eventui supposita sit, Abbas ipsi infirmo si ultra diem infirmitas progressa fuerit, aut antea si expediens fuerit, ut confiteatur ordinabit, eidem verò infirmo Eucharistiæ pro Viatico, & extremæ unctionis Sacramenta, donec Medicus id expediens

diens esse iudicaverit, ministrari non debeant, & quando ex Medici consilio Sanctissimum Eucharistiæ Sacramentum ministrandum erit, ut de bonis, & rebus suis testetur, & de rebus ad ejus conscientiam spectantibus disponat ab ipso Abbate moneri debeat, ipseque Abbas aliquos Canonicos, vel Capellanos qui ipsum infirmum discursibus spiritualibus exhilarare, & consolari debeant, providendo ea omnia, quæ ad illius bonam dispositionem, si moribundus sit, necessaria iudicabuntur prout ipsi Abbati iuxta infirmitatis statum expediens videbitur, præsupponendo satius esse infirmum se ad mortem parasse, quam negligenter, & absque bona dispositione migrare, & si ipsa infirmitas usque ad mortis articulum processerit Capitulum convocare illudque infirmo assistere donec expiraverit, & preces animæ commendatitias ab Ecclesiâ ordinatas in communi recitare teneantur.

§. III.

SI verò ipsa infirmitas periculosa non fuerit, & in futurum convaluerit ipse in actu convalescentiæ formam in titulo residentiæ quoad patitur præscriptam observare debeat, & Capitulum ipsi convalescenti aliquod tempus ad reficiendas vires quo durante ipse convalescens in propria mansione manducare, & extra Montem in campo animi recreandi gratia expatiari poterit, ita ut infirmitatis, & convalescentiæ tempore delicate quan-

tum

tum opus fuerit ad resumendas pristinas vires tractari si-
bique indulgeri debeat, poteruntque eidem convalescen-
tiales convalescentiæ in aliqua ex ipsius Sacri Montis do-
mibus in illius campo existentibus, prout Abbati videbitur,
concedi, gaudendo privilegio infirmitatis vulgo patitur.

§. IV.

Nulli infirmo liceat ad Civitatem Granatensem ad eius
curationem, seu medicationem se conferre, nisi
Medicus id eius saluti dixerit esse summopere necessa-
rium, & universum Capitulum in id convenerit, & eo
casu Capitulum illi tempus quo moram in ipsa Civitate
Granatensi, & in domo iudicio ipsius Capituli ab omni
suspicionem alienam, facere poterit, secundum infirmitatis pro-
gressum, & illius necessitatem præfigere debeat, eique
illic Medicus, & medelæ, seu medicamenta cum reli-
quis ad illius curationem, & sustentationem necessariis,
ac si in ipso Sacro Monte existeret subministrari de-
beant, & postquam convaluerit, ac foras egredi potue-
rit directè ad ipsum Sacrum Montem sub pœna amis-
sionis omnium punctorum sibi ratione infirmitatis, &
illa durante signatorum, redire teneatur, sed extra Ci-
vitatem prædictam Granatensem, ad nullum alium locum
in ullo casu poterit se conferre pro se sumptibus, &
expensis Sacri Montis curando, aut medicando.

CAdavera decedentium, ab ipso Capitulo in loco ad id designato, cum pompa funebri, & solemnitate statui, & dignatū decedentis iudicio capituli, convenienti sepeliri, & cera ad sepulturam, & novennarium, aliaque funebria officia, hoc modo: videlicet pro Abbate, & singulis Canonicis, duodecim faces, & iuxta cadaver vigintiquatuor candelæ, & ad Altare sex apponi: alijsque singulis, Canonicis, Capellanis, & Collegialibus candelæ etiam pro funeralibus, ac Missa funerali, seu depositionis defuncti cum suo responsorio, necnon pro Missa, & responsorio novenarij; pro Capellanis veró, & Collegialibus sex faces, & pro alijs inferioribus ministris quatuor: & ad Altare totidem candelæ, seu lucernæ, una cum alijs sepulturæ, seu humationis expensis, fabricæ sumptibus, subministrari debeant. Cera veró quæ supererit, fabricæ restitui debeat: & in die depositionis defuncti officium, seu vigilię mortuorum decantari, & Missa etiam decantata pro cuiusvis defuncti supra dicti animæ salute, & refrigerio, si ad id hora competens fuerit, sin minus officium, seu vigilię, & sequenti die Missa huiusmodi celebrari debeat: singulique dicti Sacri Montis Presbyteri præsentēs, seu absentes, unam submissa voce pro ipsius defuncti, pro Abbatis veró, & singulorum Canonicorum animarum salute, & refrigerio, tres Missas celebrare tenebuntur. Et

ulterius pro simili ipsius Abbatis, singulorumque Canonico-
rum, novennarium Missarum submissa voce cele-
brandarum cum responsorijs decantatis, animarum salu-
te, & refrigerio, & novissimo eiusdem novennarij die,
vigilia, Missaque cum suo responsorio, super defuncti
sepultura decantari, ipseque Missæ, inter tres Missas,
quas quilibet Canonicus celebraturus est, annumerari
debeant. Qui veró Presbyteri non fuerint, tres rosa-
rij partes, pro simili defuncti animæ salute recitare, &
tres Missas audire: Diaconi autem, & Subdiaconi tres
officij defunctorum nocturnos, recitare tenebuntur, &
eademmet suffragia pro simili animarum salute, & re-
frigerio personarum ipsius sacri Montis, quas extra il-
lum pro tempore mori contigerit, si ex causa legitima,
& in casibus eis ex forma præsentium constitutionum
concessis, absentes fuerint, celebrari, & recitari de-
beant.

TITULUS XXXI. §. I.

De Visitatione Sacri Montis.

LIceat denique Archiepiscopo Granatensi pro tem-
pore existenti Collegiatam Ecclesiam ac Sacrum
Montem huiusmodi illiusque personas, & bona singu-
lis annis semel tantum visitare, ipsam autem visitatio-
nem per se ipsum, vel per eius officialem seu Proviso-
rem ordinarium, non autem per alium quemcunque Vi-
sitatorem, & per præsentis constitutiones disposita fa-

cere, observari, & adimpleri, fractores corrigere, & castigare teneatur, & quicquid in ipsa visitatione decretum fuerit, si hisce constitutionibus contrarium non fuerit, omni, & quacunque appellatione remota, & quocunque recurſu ſublato, observari, atque executioni mandari debeat.

§. II.

ET ut inquietudo quæ tempore visitationum oriri consuevit, minor sit, ipsa visitatio ultra mensem infra quem omnino absolvi debeat prorrogari non possit, sed quod in illa intra tempus mensis huiusmodi resolutum non fuerit ad proximam subsequentem visitationem differri debeat: cautum præterea esse voluerat, idem Petrus Archiepiscopus ne pro ipsa visitatione scripturæ aut libri, vel aliquid aliud de ipso Monte Sacro in quo, illiusque Archiviis omnia necessaria inspicere atque videri, scrutinia quoque, & alia acta, quæ in ipsa visitatione fieri, & conscribi oportuerit in ipso Sacro Monte fieri, & conscribi debere, nec de eo durante visitatione, neque etiam illa absoluta ullatenus extrahi possint, sed ipsius visitationis Notarius in eiusdem Sacri Montis loco, qui ad id conveniens iudicatus fuerit, capsam serratam obseratam habeat, cuius clavem poenes se retineat, in qua scripturas ad visitationem spectantes conservet, & visitatione absoluta in Archivio eiusdem Sacri Montis reponi, & conservari debeant.

De-

§. III.

DEcreverat insuper dictus Petrus Archiepiscopus, quod ad ipsum Archiepiscopum Granatensem pro tempore existentem tam in ipsa visitatione, quam extra eam dubiorum quorumcunque super præsentibus constitutionibus, earumque intelligentia pro tempore emergentium, dilucidatio, atque declaratio, si ab eo pro parte Abbatis, & Capituli, non tamen pro parte solius Abbatis, aut alterius personæ petita fuerit, spectet, convocatis prius ad id ante duos dies omnibus, qui in dicto Sacro Monte, aut in Civitate Granatensi adfuerint, & in ipso Capitulo congregatis dubium erit proponendum, & differendum per alios duos dies, intra quos iterum congregati die præfixo per vota secreta per tres ex quatuor partibus, an petitio dictæ declarationis expediat, erit capienda resolutio, quæ si fuerit, dictam declarationem petendi, petitionis huiusmodi modus tractetur, & confectur, & nominabuntur Commissarii, qui dictam declarationem ab Archiepiscopo Granatensi huiusmodi petant, eandemque potestatem declarandi sibi quoad viveret reservatam esse voluerat.

TITULUS FINALIS §. I.

De Juramento.

QUodque Abbas, Canonici, & Capellani infrascriptum iuramentum super adimplemento, &

observantia earundem constitutionum præstare teneantur; nempe Abbas Ego N. Abbas Ecclesiæ Collegiatæ Assumptionis Beatæ Mariæ Sacri Montis Illipulitani, quam in eodem Sacro Monte Illipulitano Illustrissimus, & Reverendissimus D. meus Petrus de Castro & Quiñones, Archiepiscopus Granatensis, & postea Hispalensis, suis sumptibus fundavit, dicto Archiepiscopo Domino meo, & Illustrissimo Archiepiscopo Granatensi pro tempore existenti obedientiam, & reverentiam promitto, & iuro secundum omnes constitutiones ab Illustrissimo Archiepiscopo Domino meo factas, & contra eas directè, vel indirectè me non opponam, nec reclamabo, neque etiam ab eis per modum injuriæ appellabo, & præsertim servabo illas, quarum observantia in eis injungitur, sub poena hujus præstiti iuramenti, necnon jura dictæ Ecclesiæ inviolata custodiam, & secreta Capituli dictæ Ecclesiæ servabo, nec pandam, damna, & incommoda dictæ Ecclesiæ pro viribus vitabo, & pro electione Canonorum dictæ Ecclesiæ integritatem, & iustitiam servabo, sic me Deus adjuvet, & hæc sancta Dei Evangelia.

§. II.

CAnonici veró: Ego N. Canonicus Ecclesiæ Collegiatæ Assumptionis Beatæ Mariæ Sacri Montis Illipulitani, quam in eodem Sacro Monte Illustrissimus Dominus meus Dominus Petrus de Castro, & Quiñones,

nes, Archiepiscopus Granātensis, & postea Hispalensis suis sumptibus fundavit, & erexit, dicto Archiepiscopo Domino meo, & Abbati eiusdem Ecclesiæ pro tempore existenti obedientiam, & reverentiam promitto, & iuro secundum omnes Constitutiones ab Illustrissimo Domino meo Archiepiscopo factas, & contra eas directè, vel indirectè me non opponam, nec reclamabo, nec etiam ab eis per modum iniuriæ appellabo, & præsertim observabo illas, quarum observantia in eis iniungitur sive iniungetur mihi á dicto Abbate in re gravi sub pœna præstiti iuramenti, necnon iura dictæ Ecclesiæ quantum in me erit inviolata custodiam, & secreta Capituli eiusdem Ecclesiæ servabo, nec pandam, damna, & incommoda dictæ Ecclesiæ pro viribus vitabo, & pro electione tam Abbatis quàm Canonorum integritatem, & justitiam servabo: Sic me Deus adiuvet, & hæc Sancta Dei Evangelia.

§. III.

CApellani autem dictæ Collegiatæ Ecclesiæ, atque Collegiales qui in presbyteratus ordine in ipso Sacro Monte promoti, & admissi fuerint, tempore suæ promotionis, & admissionis simile iuramentum quod Canonici præstabunt, demptis his verbis, secreta Capituli servabo, nec pandam, & pro electione tam Abbatis, quàm Canonorum integritatem, & justitiam servabo.

De-

§. IV.

DEmum ipse Petrus Archiepiscopus declaraverat sue intentionis non esse quod quis in pœnam huiusmodi iuramenti sive periurii ex inobservantia cuiuscunque rei earundem constitutionum at præterquam solummodo in casibus pro quibus hæc pœna adiecta reperitur, aut in casibus gravibus, quibus ipse Abbas aut Præsidens illam alicui Canonico, seu Capellano in particulari opposuerit, necnon ab ipso Romano Pontifice, supplicari, ut idem etiam declarare dignaretur, & sic & non alias iuramentum factum sit, nec illud in alia quacunque forma ab Abbate, Canonicis, & Capellanis dictæ Collegiætæ Ecclesiæ præstitum esse intelligendum, & aliud quodcunque forsam præstitum eis relaxari.

§. V.

AC postremo ipsas Constitutiones eidem Romano Pontifici ad effectum earum confirmationis juxta litterarum erectionis prædictæ præsentari debere iusserat, prout in Statutorum, constitutionum, ordinationum, & Capitulorum huiusmodi exemplari manu eiusdem Petri Archiepiscopi, ac Notarii publici dicti Petri Archiepiscopi Secretarii subscripto, suique parvi sigilli impressione munito plenius dicebatur contineri. Et in eadem expositione subiuncto quod statuta, constitutiones, ordinationes, & Capitula prædicta licita, & honesta erant, nec
quic-

quicquam contra prædicti Concilii Tridentini decreta, ac Constitutiones Apostolicas, aut alias Canonicas sanctiones continebant, sed in Divini cultus, & bonorum operum augmentum, & ipsius Collegiatæ Ecclesiæ decorem tendebant. Et propterea, ut ea eo firmiter subsisterent, ac ab omnibus, & singulis, quorum interesset, & interesse posset, quomodolibet in futurum diligentius, & exactius observarentur; dictus Petrus Archiepiscopus plurimum cupiebat, illis per eundem Romanum Pontificem Apostolicæ confirmationis robur adjici: quare pro parte dicti Petri Archiepiscopi eidem Gregorio prædecessori humiliter supplicato, quatenus eadem statuta, constitutiones, ordinationes, & capitula aprobare, & confirmare, aliasque in præmissis opportunè providere de benignitate Apostolica dignaretur. Idem Gregorius prædecessor dictum Petrum Archiepiscopum, à quibusvis excommunicationis, suspensionis, & interdicti, aliisque, Ecclesiasticis sententijs, censuris, & pœnis à iure, vel ab homine, quavis occasione, vel causa latis, si quibus quomodolibet innodatus existeret ad effectum infrascriptorum dumtaxat consequendum, absolvens, & absolutum fore censens, huiusmodi supplicationibus subdatis, videlicet quinto Kal. Julij Pontificatus sui anno tertio devoto venerabilium fratrum nostrorum, tunc suorum Sanctæ Romanæ Ecclesiæ Cardinalium, decretorum eiusdem sacri Concilii Tridentini interpretum annuens, sta-

tuta , constitutiones , ordinationes , & capitula prædicta ,
omniaque , & singula in eis contenta , & scripturas de-
super confectas cum omnibus , & singulis inde legitimè
sequeutis dicta Apostolica auctoritate perpetuò approbavit,
& confirmavit , eisque perpetuè , & inviolabilis Aposto-
licæ firmitatis robur adjecit , ac omnes , & singulos tam
iuris quàm facti , & solemnitatum , ac alios quantumvis
substantiales defectus , si qui forsam desuper quomodo-
libet intervenerant , eadem Apostolica auctoritate supple-
vit , Decernens litteras desuper conficiendas semper , &
perpetuo validas , & efficaces fore , & esse , suosque ple-
narios , & integros effectus sortiri , & obtinere , at-
que ab Abbate , Capitulo , Hospitibus probationis , Capel-
lanis , Collegialibus , cæterisque Collegiatæ Ecclesiæ ac
Sacri Montis huiusmodi personis , & Ministris , & aliis
quorum intererat , interesset , aut interesse posset quomodo-
libet in futurum inviolabiliter observari , & adimpleri de-
bere , nec ab illis seu earum ac statutorum constitutio-
num , ordinationum , & Capitulorum huiusmodi inviola-
bili observantia deflecti aut recedi posse , sicque , & non
alias per quoscumque Iudices ordinarios , & delegatos
ac causarum Palatii Apostolici Auditores , necnon ejus-
dem Sanctæ Romanæ Ecclesiæ Cardinales , etiam de late-
re Legatos , & præfatæ Sedis Apostolicæ Nuncios iudica-
ri , & definiri debere , ac irritum , & inane quicquid

secus super ijs á quoquam quavis auctoritate scienter vel ignoranter contingeret attentari, non obstantibus quibusvis Apostolicis ac in Synodalibus, provincialibus, & universalibus conciliis editis specialibus vel generalibus constitutionibus, & ordinationibus, cæterisque contrariis quibuscunque. Voluit autem dictus Gregorius prædecessor quod quoad collationem, & provisionem tam Abbatiae quam singulorum Canonicatum & præbendarum prædictæ Collegiæ Ecclesiæ forma litterarum dicti Pauli Prædecessoris desuper editarum servaretur. Nos autem de absolute confirmatione, approbatione, roboris adiectione, defectuum suppletionem, decreto, & voluntate præmissis pro eo quod super illis literæ dicti Gregorij Prædecessoris eius superveniente obitu confectæ non fuerunt, valeat quomodolibet hæsitari, dictusque Petrus Archiepiscopus illorum frustretur effectu, volumus, & dicta auctoritate Apostolica decernimus quod absolutio, confirmatio, approbatio, roboris adiectio, defectuum suppletio, decretum & voluntas Gregorij prædecessoris huiusmodi perinde á dicto die quinto Kalen. Julij suum sortiantur effectum, ac si super illis literæ dicti Gregorij prædecessoris sub eiusdem diei datæ, confectæ fuissent, prout superius enarratur. Quodque præsentis litteræ ad probandum plene absolute confirmationem, approbationem, roboris adiectionem, defectuum suppletionem, decretum, & voluntatem Gregorij Prædecessoris

ris huiusmodi ubique sufficiant , nec ad id probationis alterius adminiculum requiratur. Quo circa dilectis filiis Curiae causarum Camerae Apostolicae Generali Auditori , & Malacitani , ac Gadicensi officialibus secundum voluntatem , & concessionem dicti Gregorii praedecessoris praedicto die quinto Kal. Iulii emanatas per Apostolica scripta mandamus quatenus ipsi vel duo , aut unus eorum per se vel alium , seu alios easdem praesentes litteras , & in eis contenta quaecunque , ubi , & quando opus fuerit , ac quoties pro parte Petri Archiepiscopi , aut pro tempore existentium Abbatis , & Canonico-
rum dictae Collegatae Ecclesiae , seu alicuius eorum fuerint requisiti solemniter publicantes , eisque in praemissis efficacis defensionis praesidio assistentes , faciant auctoritate nostra easdem praesentes litteras , & in eis contenta huiusmodi ab omnibus , ad quos spectat , & pro tempore spectavit , inviolabiliter observari , ac Petrum Archiepiscopum , & pro tempore existentes Abbatem , & Canonicos praedictos illis pacifice frui , & gaudere , non permittentes eos desuper quomodolibet indebitè molestari. Contradictores quoslibet , & rebelles per sententias censuras , & poenas Ecclesiasticas aliaque opportuna iuris , & facti remedia , appellatione postposita compescendo , invocato etiam adhuc si opus fuerit brachii secularis auxilio. Nos enim Auditori , & officialibus praedictis , ac eorum cuilibet quoscunque molestatores perturbatores ,
con-

contradiçtores, & rebelles etiam per edictum publicum
constituito summarie de non tuto ad eos accessu citandi, ac
eis, & quibus, ac quoties inhibendum fuerit etiam per si-
mile edictum quoad Archiepiscopos, & Episcopos sub
interdicti ingressus Ecclesiæ: Quo verò ad alios inferio-
res etiam sub censuris, & Ecclesiasticis etiam pæcunia-
riis eorum arbitrio imponendis, moderandis, & appli-
candis pœnis, inhibendi, necnon eos quos censuras, &
pœnas prædictas incurrisse constiterit eas incurrisse ser-
vata forma ejusdem Concilii Tridentini declarandi, ac le-
gitimis super his habendis servatis processibus, censuras, &
pœnas ipsas etiam iteratis vicibus aggravandi, reaggra-
vandi, & interdicendi plenam, & liberam Apostolica
auctoritate prædicta earundem tenore præsentium juxta
voluntatem, & concessionem Gregorii Prædecessoris hu-
jusmodi, concedimus facultatem, non obstantibus recol. mem.
Bonifacii Papæ Octavi similiter prædecessoris nostri, qua
cavetur, ne quis extra suam Civitatem, vel Diocesim,
nisi in certis tunc expressis casibus, & in illis ultra
unam dietam à fine suæ Diœcesis ad judicium evocetur,
seu ne Iudices à Sede Apostolica præfata deputati ex-
tra Civitatem, vel Diœcesim in quibus deputati fuerint
contra quoscunque procedere, aut alii, vel aliis vices
suas committere audeant, vel præsumant, ac in Concilio
generali de duabus dietis edita, dummodo ultra tres die-
tas aliquis vigore earundem præsentium ad judicium non

trahatur, & aliis Apostolicis constitutionibus, ac omnibus supradictis, seu si aliquibus communiter, aut divisim ab eadem Apostolica sit Sede indultum, quod interdicti, suspendi, vel excommunicari non possint per litteras Apostolicas non facientes plenam, & expressam ac de verbo ad verbum de indulto huiusmodi mentionem. Nulli ergo omnino hominum liceat hanc paginam nostrae voluntatis, decreti, mandati, & concessionis infringere vel ei ausu temerario contraire. Si quis autem hoc attentare praesumpserit indignationem Omnipotentis Dei, ac Beatorum Petri, & Pauli Apostolorum eius se noverit incursurum. Datum Romae apud Sanctum Petrum Anno Incarnationis Dominicæ millesimo sexcentesimo vigesimo tertio, octavo Idus Augusti, Pontificatus nostri anno primo. C. Colinus. A. Fornellus. A. Davius pro computore. N. Ponsardus. M. Deamatus. Loco. ✕ Plumbi. Quibus quidem litteris Apostolicis in eorum proprio originali diligenter inspectis ad instantiam, & requisitionem Illustris, & R. D. Petri de Iunco Archidiaconi de Deza, & Canonici Ecclesiae Lucens. procuratoris, Abbatis, & Capituli Collegiatæ Ecclesiae Sacri Montis Illipulitani propè, & extra-muros Granatens. illas per Notarium publicum infrascriptum transumptari, & exemplari, & in hanc publicam transumpti formam reduci mandavimus, & fecimus, volentes, & auctoritate Curiae nostrae statuentes ut praesenti publico transump-

ti instrumento , sive exemplo deinceps ubicunque locorum plena fides adhibeatur , illique stetur , ac si litteræ originales in medium exhiberentur , aut ostensæ forent , quibus omnibus , & singulis auctoritatem nostram ordinariam , & decretum interponimus per præsentēs. In quorum omnium , & singulorum præmissorum fidem has præsentēs fieri , & per Notarium subscribi , sigillique nostri quo in talibus utimur appensione muniri. Datum Romæ ex ædibus nostris Anno á Nativitate Domini nostri Iesu-Christi millesimo sexcentesimo vigesimo quinto , Indictione octava , die verò decima octava mensis Ianuarii , Pontificatus Sanctissimi in Christo Patris , & D. N. D. Urbani , divina providentia Papæ Octavi anno secundo. = Camillus Melvius Lis. = Pro nomine Bernardini Pasqueti Curiae causarum Camera Apostolicæ Notarii. = Augustinus Theulus Canoes.

1. The first part of the report deals with the general situation of the country and the progress of the work. It is divided into two main sections: the first section deals with the general situation of the country and the progress of the work, and the second section deals with the specific results of the work.

2. The second part of the report deals with the specific results of the work. It is divided into three main sections: the first section deals with the results of the work in the field of agriculture, the second section deals with the results of the work in the field of industry, and the third section deals with the results of the work in the field of commerce.

3. The third part of the report deals with the conclusions and recommendations. It is divided into two main sections: the first section deals with the conclusions, and the second section deals with the recommendations.

4. The fourth part of the report deals with the appendix. It contains a list of the names of the persons who have taken part in the work, a list of the names of the persons who have assisted in the work, and a list of the names of the persons who have been consulted.

5. The fifth part of the report deals with the index. It contains a list of the names of the persons who have taken part in the work, a list of the names of the persons who have assisted in the work, and a list of the names of the persons who have been consulted.

6. The sixth part of the report deals with the bibliography. It contains a list of the names of the persons who have taken part in the work, a list of the names of the persons who have assisted in the work, and a list of the names of the persons who have been consulted.

7. The seventh part of the report deals with the list of the names of the persons who have taken part in the work, a list of the names of the persons who have assisted in the work, and a list of the names of the persons who have been consulted.

8. The eighth part of the report deals with the list of the names of the persons who have taken part in the work, a list of the names of the persons who have assisted in the work, and a list of the names of the persons who have been consulted.

9. The ninth part of the report deals with the list of the names of the persons who have taken part in the work, a list of the names of the persons who have assisted in the work, and a list of the names of the persons who have been consulted.

10. The tenth part of the report deals with the list of the names of the persons who have taken part in the work, a list of the names of the persons who have assisted in the work, and a list of the names of the persons who have been consulted.

INDEX.

TITULORUM , QUI IN ANTERIORIBUS statutis continentur.

<i>TITULUS I. de Fundatione Ecclesiæ...</i>	Fol. 5.
<i>Titulus II. de Reliquiis, Libris, & Laminis Sacri Montis...</i>	Fol. 10.
<i>Titulus III. de Approbatione...</i>	Fol. 11.
<i>Titulus IV. de Electione, & provisione Abbatis, Canonorum, Capellanorum, Collegialium, & aliorum Ministrorum dictæ Ecclesiæ...</i>	Fol. 12. b.
<i>Titulus V. de Residentia...</i>	Fol. 17. b.
<i>Titulus VI. de Patitur infirmorum...</i>	Fol. 22.
<i>Titulus VII. de Exercitiis spiritualibus, & divinis officiis.</i>	Fol. 23.
<i>Titulus VIII. de Distributionibus...</i>	Fol. 29.
<i>Titulus IX. de Abbate...</i>	Fol. 32. b.
<i>Titulus X. de Officiis Ecclesiæ...</i>	Fol. 34. b.
<i>Titulus XI. de Præsidente...</i>	Fol. 36. b.
<i>Titulus XII. de Assistentibus, & consultis...</i>	Fol. 37.
<i>Titulus XIII. de Administratoribus, & administratione rei familiaris...</i>	Fol. 38.
<i>Titulus XIV. de Computatoribus...</i>	Fol. 42. b.
<i>Titulus XV. de Clavigeris, & Arca Depositæ...</i>	Fol. 43. b.
<i>Titulus XVI. de Thesaurario, & Sacrista...</i>	Fol. 45.
<i>Titulus XVII. de Secretario Capituli...</i>	Fol. 46.
<i>Titulus XVIII. de Collectore, & Punctatore Collectoriæ...</i>	Id. b.
<i>Titulus XIX. de Domus Provisore, & Ministro...</i>	Fol. 48.
<i>Titulus XX. de Janitore, & Clausura...</i>	Id.
<i>Titulus XXI. de Magistro Cæremoniæ, & Cæremoniis...</i>	Fol. 49.
<i>Titulus XXII. de Capellanis, & sub Cantore...</i>	Fol. 50.
<i>Titulus XXIII. de Collegialibus...</i>	Fol. 51.
<i>Titulus XXIV. de Capitulo...</i>	Fol. 54.
<i>Titulus XXV. de Regimine Domus...</i>	Fol. 56.
<i>Titulus XXVI. de Archivio...</i>	Fol. 58.
<i>Titulus XXVII. de Privilegiis.</i>	Fol. 59.
<i>Titulus XXVIII. de Vita, & honestate Personarum Sacri Montis...</i>	Fol. 62.
<i>Titulus XXIX. de Pænis...</i>	Fol. 64.
<i>Titulus XXX. de Curatione infirmorum, & funeralibus...</i>	Fol. 66.
<i>Titulus XXXI. de Visitatione Sacri Montis...</i>	Fol. 68.
<i>Titulus finalis, de Juramento...</i>	Fol. 69.